

殊批諭旨

王國棟奏摺



硃批王國棟奏摺

此可謂難得而難各不



實

提督河南學政臣王國棟謹

奏為欽奉

上諭事

臣才劣識庸荷蒙至公辦守何礙竟未得人藉

聖恩簡用視學河南文難查如言其難保太戲如言其

陛辭之日兩聆慈訓不一大隊颯然田文鏡咨言其難

聖訓指示詳切仰見我祖具文苑各官又士其人善

皇上天地為懷日月並照無微弗燭無遠弗周所有學

臣合政事宜臣矢公矢慎勉竭駑駘不敢絲毫苟且玩

皇上忽有負無田文鏡臣官之與奉

硃批諭旨

王國棟

皇上隆恩至撫臣田文鏡居官之處奉

旨令臣細加體訪於兩三月後摺奏臣於雍正二年十一月到任路經彰德衛輝開封三府又於十二月內考試懷慶一府所見文武各官及士民人等留心詢問其說不一大約感頌田文鏡者皆言其廉幹明敏怨望田文鏡者或言其催科太迫或言其御下太嚴不留餘地至於操守可疑竟未有人議及者臣於封印後回省目擊其辦事甚勤大小屬員一到卽見家人吏役約束頗嚴門包小費一槩謝絕居官如此可謂難得而聲名不甚純粹者實

緣田文鏡莅任以後諸事認真稽察過嚴一無容隱所致此外實別無所聞爲此繕摺陳

奏伏乞

睿鑒謹

奏田文鏡居官之處甚屬公當知道了

提督河南學政臣王國棟謹

奏臣督學河南歷試數郡所經州縣聞去冬俱得雨雪但多寡大小或有不齊入春以來河北三府及開封所屬雨澤稀少二麥歉收臣於三月初旬按

試河南府四月初四日事竣起身初三日五鼓河南府得雨數寸初五日臣按試汝州地方本日汝州雨頗霑足二麥收成尚有五分四分不等迤西所屬伊陽等處尤佳棉花高粱等項業經得雨布種可冀秋成米麥豆價值二三月間稍長得雨後價又漸平爲此繕摺據實奏

聞謹

奏

所奏雨水米價已悉百凡但須據實直陳若稍涉虛飾反悞聽聞未若不奏之爲愈也

奏提督河南學政臣王國棟謹

奏五月十九日臣家人齎摺回豫領到

硃批百凡但須據實陳奏欽此仰見

皇上軫恤民瘼勤求吏治凡四海九州之大無微不至有感卽通稍有人心敢不仰體臣於六月內歲試事竣起身回省路經上蔡西平許州等處一路高下平原禾麻菽黍一望如繡惟六月中旬以後雨澤過多低窪之地積水苦澇至七月十三日開封府屬之大寨蘭陽縣之坂厰河堤一時潰決田苗廬舍漂沒頗多祥符縣相近地方亦有被其患者

惟幸居民遷避未曾傷損河臣嵇曾筠撫臣田文鏡赴工查勘并委地方官料理賑恤堵築事宜十八九日天氣清明聞決口現在興工堵塞可無他患其餘州縣低下處所田苗分數少減平原高阜皆有十分成熟已經漸次收穫臣謹據實奏

聞謹

奏

知道了絲毫毋得粉飾

奏提督河南學政臣王國棟謹
奏爲遵

旨密陳事竊臣訪聞河南府屬盧氏一縣地處萬山之中向年亢挺一案盧氏縣學生員亦多竄入其中彼時地方官見亢挺事已

題達未肯又多一事設法和解並未懲創一人現今

盧氏一縣俗尚澆凌皆緣前此妄爲未經處分效尤成習臣荷

聖明委任不敢以事屬前任置若罔聞亦未便以旣結之案聲張滋擾密行廉訪將向日附和多事生員摘其微過漸次革除以清學校臣愚以爲

國家事無大小與其懲創於旣事之後無寧防杜於

未事之先士子者百姓所觀瞻教官者士子之表率臣見現在盧氏縣學教諭劉晉辦事勤敏心胸明白頗能彈壓多士且歷任數載亦悉地方情形緣係生員捐職例應離任赴部改選臣思教官雖微關係學政誠恐部選之人不識地方情事抑或羸老軟弱不得其人盧氏士習便難整飭合無仰請

聖恩准將劉晉留任辦事俾其分別優劣明示勸懲庶盧氏一學不至無知犯法則學校澄清地方寧謐矣查劉晉已捐陞知縣儘可赴部投供臣爲學校

得人起見未敢具本陳請不揣冒昧繕摺奏

聞是否可行伏候

聖明裁示謹

奏

劉晉若願留任則題留以知縣銜管教諭事可也如不願留任因其勤敏明白而反阻其上進之階殊非鼓勵人才之道

浙江觀風整俗使臣王國棟謹

奏爲覆

旨事竊臣一介庸愚荷蒙

硃批諭旨

皇上天恩畀以觀風整俗重任於雍正四年十一月二十一日赴湯山

行宮恭請

聖安併蒙

聖訓剴摯詳明大中至正聖經賢傳之奧一經

聖明闡發內聖外王之道一以貫之臣粗習章句學識

蕪淺蒙

亦不謂盡合於聖賢經傳但揆之世理人情若覺有益

皇上指示教訓之後始悟六經之理本自貫通一切立

則當虛心聽受身體力行也
身行已居官治民之要益覺有所持循嗣後殫精竭力倘可稍圖報稱皆我

皇上天地造就之弘仁也臣於十二月初二日自京起

程遵

旨從河南省奉臣母赴浙江任河南撫臣田文鏡恭請

聖安臣將欽奉

據田文鏡已回奏矣

諭旨逐一宣示雍正五年二月初一日抵任巡撫臣李

衛率同司道諸臣恭請

聖安臣隨將所奉

諭旨宣示撫臣李衛及按察司臣董永芝皆感激

天恩望

闕叩謝除臣到任日期已經具疏題報外所有宣示

殊批諭旨

諭旨緣由理合具摺覆

奏再蒙

皇上面交與臣二摺臣與撫臣李衛同閱內開稽察棚

民一事先經遵照部行大學士張廷玉條奏奉

旨事理嚴行稽察在案各縣棚民現俱安靜茲復照顧

當時時留心圖維永久安靜之策因目下安靜而遂

夔摺內所請及朱禾摺內二條行令各該府確查

忽畧之也詳覆臣等公同酌定具

奏所交二摺再行繕寫

呈繳臣又特奉

上諭命臣清查浙江頑抗錢糧一項舊例包攬抗欠紳

皇土衿州縣詳請革懲督撫院司始行查究臣思浙江

風俗澆漓不同他省必待有司詳請恐州縣未必

盡能執法臣已行文各府州縣依限催徵仍令按

皇土季將完欠分數據實冊報臣於完半全完之期按

冊稽察內中如有紳衿黎庶頑抗不納者不待州

縣詳請臣即分別輕重處分應參究者參究應革

懲者革懲庶通省之人咸知奉法而頑欠可清矣

又臣到浙江時訪聞民間有胥役市販合湊幾家

買閱邸抄者臣思小民無知不宜與聞東鄰西

皇國事雖率者外列知谷口育養五之連無不

殊批諭旨

皇上所行率皆化民成俗仁育義正之事無不可使人

知者但此輩一閱邸抄每多訛傳以惑眾聽諸如

此一節尚在可否之間此類亦風俗人心所關臣已嚴行戒飭倘有犯者

立拏重懲又臣在湯山時面領去而而大司肅矣

上諭撫臣李衛奏帶額外郎中朱倫瀚令臣稽察賢否

臣到浙後於朱倫瀚進見之時即將

皇上戒董策勵之意詳悉宣示朱倫瀚悚慄恐懼感激

涕零據云

聖祖

拔擢之恩感不同州省必奇亦同精簡恐用練未

皇上矜全之德倘有纖毫辜負非特

人皆如此說須聽其言而觀其行

王章不宥亦無面目存留天地之間等語經撫臣李衛

委署寧波府任事未久俟臣巡歷時細加查察據

實具

奏又仁和縣知縣紀遂宜書生初任臣見其謹飭有

餘而才具不足或於地僻事簡縣分庶幾人地相

據李衛亦奏過業有旨矣宜但紀遂宜亦莅任未久臣將細察其賢否再行

具

奏又臣自河南至浙江見浙江陰雨與江南無異自

上年入冬以後雨雪連綿直至今春晴日頗少臣

到任後尚多陰雨初六日撫臣奉

硃批諭旨

八

王國棟

旨行藉田禮是日天氣晴明農民歡忭以為豐年有兆

嗣後仍時晴時雨十五日臣與撫臣宣講

聖諭是日天氣開朗連日稍覺晴和若得從此常霽則春

朕亦間得想收有望臣於十五日料理粗畢即欲巡查杭嘉湖

上蒼必然垂佑也各屬因撫臣李衛言州縣現皆辦理漕糧宜稍遲

數日約於二十日後視州縣中漕糧報完者挨次

巡查竭力辦理理合奏

聞伏惟

聖鑒謹

覽

浙江觀風整俗使臣王國棟謹

奏為敬陳浙西風俗事竊查浙江風俗澆漓惟杭嘉

湖三府為甚杭州人狂放湖州人刁健嘉興人浮

薄臣每至一州縣即傳集紳衿人等至明倫堂宣

布

皇上天地覆載之仁

御極以來敬

天法

祖勤政愛民四海之內一夫不獲即厪

殊批諭旨 九 王國棟

宸衷湛恩溥被不可枚舉數計又因浙省風俗澆薄屢
頒

聖訓深切著明復設專官整齊化導無非欲爾紳衿士
民明天地之經識尊親之義安上下之分重廉恥
之防爾等遭逢

聖世仰沐

皇仁應各念父母之邦爲子孫之計一切浮狂詐僞抗
糧健訟種種惡習務期洗心滌慮痛自革除庶幾
化行俗美共樂昇平一時紳衿人等聽聞之下無
不感激愧悔衆口一辭似出中誠非由強飾臣到

皇上海寧地方紳士向多澆薄而民亦刁頑臣如前宣
聖諭揚限地類懲之如以補對心偏外
聖教之後更嚴加戒飭雖俱戰戰慄慄叩頭謝
恩切齒查賊然或一時面從未必中心改革尚當不時

巡察倘有粘終不悛者應卽分別重輕參革懲治
雖於杭嘉湖三府凡所巡歷之地無不加意察訪
皇土從前肆惡之徒實皆畏懼斂跡除生事劣紳等臣
俱繕疏糾參外凡抗糧包訟生監及姦胥里棍俱
拏交各該地方官審究各州縣有力學敦行之士
臣訪知的實或給扁示旌或面加獎勸以示鼓勵

再浙民向來健訟每逢地方上下衙門放告動輒
一二百紙近日詢之各屬有司俱云詞訟比往時
減半皆仰賴伏以皇上存神過化之用民知安分稍返醇良此亦小小
轉關也又浙民雖多詐偽而性終柔弱如杭州海
寧紹興數處前者偶惑訛言闔邑震恐臣與撫臣
李衛隨經出示曉諭安輯大抵愚柔之人皆知畏
罪臣恪遵

聖諭分別淑慝而勸懲之或可以漸轉移仰副我
皇上燭民成俗之至意臣謹繕摺奏

聞伏乞

睿鑒謹

奏

爾到浙與李衛協衷任事能推誠布公宣明朕旨風俗
人心頓覺轉移朕聞知嘉悅之至勉之二字外無可多
諭也

浙江觀風整俗使臣王國棟謹

奏為敬陳浙西州縣事宜仰祈

睿鑒事竊臣巡歷浙西留心查訪司道各官俱蒙
皇上特簡優劣賢否久在

聖明洞鑒之中且臣共事未久不敢冒昧陳

奏惟驛鹽道王鈞人頗謹厚辦理鹽務亦屬相宜但

才具平庸未能肆應至府縣各官恭遇

皇上至聖至明振綱飭紀撫臣李衛督率亦嚴循分供

職者居多其中地有繁簡才有短長謹就臣一時

聞見繕單先呈

御覽其杭州府昌化縣知縣趙莘臣巡查至縣訪知該

令諸務縱弛曠廢職守已經特疏

題參湖州府德清縣知縣徐珽任蠹作姦孝豐縣知
治平之道惟察吏為本其餘皆屬枝葉但能秉公察吏
縣苑林岬才力短淺臣巡歷訪聞俱與撫臣李衛

自必庶績咸熙百姓蒙福天下大治矣於此當竭力為
會商分別參處改教在案浙省頑抗錢糧臣奉
諭旨即設法稽查先經

奏明蒙

皇上硃批實力為之臣跪誦之下益加凜切俟完半及

全完之期當細心稽查力懲頑抗以除積弊其各

府州縣命盜訟獄案件臣先令按察司開報查核

仍於巡歷所至逐一稽查清理至保甲一法弭盜

亟宜安民最關緊要乃浙省州縣奉行不力率多有名
嚴行督查

無實臣現在嚴諭各該府縣實力奉行勒限編查

毋得借端苛派毋得粉飾具文如有仍前玩悞及

奉行不善反致擾民者立即

題叅治罪再查杭嘉湖三府地方戶口殷繁而倉穀

積貯無多偶有雨暘愆期米價騰貴每致上煩

聖慮臣思社倉一事久經奉

旨舉行之舉實難且緩為之惟此一事切不可急遽

艱難議令各州縣先於鄉紳大戶內勸輸捐積其

里民積粟俟秋穀登場後再為勸捐併禁抑勒指

派務使舉行無弊目下麥已成實將來可收五六

七分不等亦足稍濟民食現在各州縣平糶賑濟

撫臣李衛專委杭嘉湖道徐鼎督率各該地方官

就近稽查殊屬妥便

分頭糶賑臣巡歷所至就近飭查俾民得沾實惠

無負

皇上懷保深仁理合一併奏

聞伏乞

睿鑒謹

奏

覽

浙江觀風整俗使臣王國棟謹

奏為敬陳浙西營伍情形仰祈

睿鑒事竊臣仰荷

殊批諭旨

恩命簡閱營伍欽遵祇惕今歷巡浙西地方先行簡閱
查杭州副將李燦臣閱該協兵丁時尚署理黃巖
鎮印務湖州副將蘇明良已奉

旨陞授廣東碣石總兵嘉興副將顧弘亮臣視其人不
過中材而辦事猶屬小心就三協營兵而論杭協
差勝嘉協次之湖協又次之其將備各官雖無出
衆之材尚可供職各營弁目有材技平常不能稱
職者移咨提督斥革除僻遠營汛因地方緊要未
便調齊考驗外其存城之兵及經歷處所逐一簡
閱凡老弱者飭令更替生疎者飭令訓習衣甲器

械有未鮮明堅利者嚴飭整理至營伍大弊尤在
虛兵冒餉臣簡閱時查副將以下千把以上俱有
皇上隨丁并項冊內止開花名無人點驗詢其情由據

云大小各官俱沾
此數分空糧乃議定養廉之項實不可少再如營伍中
皇土浩蕩之恩此項實係養廉之費向年營伍中尚有
數分公費名糧亦當酌量給與所必需者但莫使不肖
將備私費空糧數名甚至有借公費為名烹肥入己者
皇上御極以來整綱肅紀各營陋例盡已革除例設隨
丁之外並無別情一切軍裝甲仗俱係捐備料理

皇上愛養羣臣體恤備至文員俱有養廉之費武職贍

皇上養家口自蒙一體加

恩未便冒昧參奏至所稱公費無出一切軍裝俱係捐

備料理情由事關通省營伍俟臣巡查浙東各營

汛再行確查作何仰籲

聖恩之處據實

奏請定奪又浙西之民辦賦資生首賴蠶絲春夏之

交正在育蠶時候俗忌不宜演放火器臣仰體

皇上軫念民生至意是以鎗礮等項未經驗試杭嘉湖

地方緊要臣當不時巡查校閱如有怠玩縱弛及

虛冒短剋等情將該營弁員一併

題參究處抑臣更有請者浙江素稱澤國以舟為便

需用馬兵之處無幾是以精於騎射者絕少而馬

亦疲瘦臣愚以為浙江馬兵似可量行裁減計馬

兵之糧裁去一名即可多設戰守步兵二名分撥

汛防以資捍禦是否可行臣與提臣石雲倬妥議

奏後會疏具

題臣至愚極陋每見文武大臣於莅任之始事無大

小張皇其詞以聳

宸聽及任事一二年後仍多因循苟且或文過飾非於

地方事宜毫無裨益臣受

殊批諭旨

十五

王國棟

恩深重莫報涓埃惟有一事不敢苟一字不敢欺

皇上日月之明自能洞照謹將閱過浙西營伍情形據

實奏皇其臨以鑒

聞謹

奏

但莫忘今日此奏能不心隨境移何難企及千古名臣
勉之

浙江觀風整俗使臣王國棟謹

奏爲覆

旨事竊臣於二月二十六日欽奉

皇上恩旨以浙省上年被水米價騰貴窮民艱食

特命撫臣李衛會同將軍臣鄂彌達臣王國棟先動帑

銀四萬兩在杭嘉湖三府修城濬河築堤使窮民

傭工食力此誠

皇上如天愛民之心也臣分勘得杭州至海寧一帶河

道水多淤泥應當開濬以便蓄水灌田海寧以下

至黃灣地方一帶支河亦有應行開濬之處撫臣

李衛分勘得湖州地界太湖堤閘日久傾圮應行

修築將軍臣鄂彌達分勘得嘉興一帶石塘日久

坍塌應行整理臣等公同酌議各府河道疏濬之

事因冬春雨雪太多水勢未退此時築壩開濬必致多費工力當俟九十月水落農畢之後再議疏濬目下採買物料先葺城垣杭州湖州嘉興府城以及石門德清長興安吉州嘉善平湖桐鄉等州縣城俱於三月內興工合計現在各處城工四萬金約可足用容臣等核實會

題但各處所報工程尚多提臣石雲倬又咨稱寧波城垣頽廢已久應亟修葺現在批司查議當務也

國家綱舉目張之日城垣河道一時經理整齊原屬萬年利益費帑利民在

聖心固所不惜然臣謂天下之正供有數而

國家之經費多端今以浙省三府而耗費多金

國計所關理宜籌畫臣出巡到德清地方訪有捐納

候選通判蔡應龍者係已故禮部尚書蔡升元之

子也蔡升元生前居官貪鄙從未為

國家出力告假回籍竟以壽終遺貲產於伊子蔡應

龍等坐享富厚盤剝民昨蔡應龍為葬伊父倚

勢強買楊有祥等民房基地改造墳塋致楊有祥

等憤怨控告撫臣李衛斷罰蔡應龍出銀五百兩

修湖州府城至今並不遵斷交出雖伊父久任京

官家貲不為巨富而彼所得者原係不義之物應儘其所有急公利眾以為身為大臣而不公忠者戒阻至愚極昧欲於搏節此意伏祈國用之中即寓維持風化之意伏祈皇上俯鑒若臣言可行當即繕疏

題參又海寧縣城垣頽壞特甚據該縣估計工料浩繁未經批准修理臣查革職侍讀學士陳邦彥世從將其願捐情由具題如諉抗不從即將伊等不聽勸諭不肯急公之處參奏候朕另降諭旨國恩蒙

皇上矜全歸里今現居海寧本地河道城垣或修或濬

開辦邦彥出貲效力亦屬分所宜然候檄行該縣確估

工費臣與撫臣李衛商酌料理一併附摺具

奏伏乞 皇上聖鑒謹

聖鑒謹

奏平

覽

浙江觀風整俗使臣王國棟謹

奏為敬陳浙東紹寧台三府情形仰祈

睿鑒事竊臣於四月十五日由杭渡江巡查紹寧台

路地方紹興府屬會稽山陰蕭山上虞等縣風俗

殊批諭旨

六

王國棟

紹興惡習之反遜於杭嘉湖者蓋緣生事不法之徒皆

出在外故也澆漓雖不至如杭嘉湖之甚然奔走京省慣熟衙

門漸染惡習亦倍他郡寧波環山濱海為全浙門

戶所屬鄞縣慈谿奉化鎮海象山定海六縣形勢

均關緊要民風士習雖稍樸實而山野之性恃強

任性者頗多台州雖為樸陋屬縣亦多濱海惟太

平一縣風俗稍醇其臨海寧海黃巖等縣士民舊

多包糧健訟近亦畏法收斂獨有天台仙居二縣

廢弛已久錢糧詞訟事事急需整理臣謹另摺詳

析奏

聞紹興知府魏觀寧波知府孫詔台州知府楊滙俱到

浙

任未久賢否一時難以確核其所屬各縣寧波

及浙屬似均可供職無誤台紹二處有另須商酌料理

者謹就臣愚昧所見將府屬官員繕單開呈

御覽至三府營伍提石雲倬標下兵丁訓練數月軍

伍氣象較向日已覺不同紹協副將汪虎山出身

行伍料理營務亦屬諳練至於台協臣到浙時即

訪知向來廢弛疲玩兼聞挑一戰糧馬糧有鑽謀

費至數十金者一充行伍如書吏之有缺主子孫

相承其中老弱及技勇生疎者頗多及臣到台查

閱器械衣甲已經料理即各汛煙墩木柵亦復煥

然可觀惟弓馬較他營尚未純熟查係副將吳進義到任後捐貲製備甲械革除老弱稍異從前近

無理怨望乃天下營伍通行惡習而督撫治理地方亦旨查閱愈加整飭而台協兵丁狃於舊習多有怨望該不能免此苦且不但文武大吏而已君臨天下之苦亦然所以將過於苛刻者臣簡閱後隨嚴飭將備曉諭兵丁苛刻之名在營伍原以衛民捍國非以養身肥家此內老弱者盡行革除騎射生疎良心上對者勒限學習台協玩廢已久因現任副將頗能整天地神明耳理暫免參究若不痛改積習定即特疏嚴參一時將備弁兵無不竦聽凜畏其黃巖象山等處因現

值漁汛之期官兵出洋巡查臣與提臣會商海洋緊要若調集簡閱恐貽誤地方又值農務正忙士民人等伏暑齊集諸凡不便臣仰體

甚是聖心不敢勞民動衆因由台郡旋省復巡杭嘉湖三處

奏要緊地方兼閱修濬各工及各屬平糶之處再浙

東地方紹興山會等處水可蓄洩旱澇不至大傷

阜至寧台三府山田居多四月中旬已經苦旱正在

望雨臣巡查至郡時適大雨連朝山溪漲溢田疇

霑足農民權慶聞金衢嚴溫處等府大約俱同而

浙西杭嘉湖等處地勢卑下插秧之後又愁雨水

太多撫臣李衛又率屬求晴適五月二十日後天氣朗霽連晴至今據目前情形浙東早稻成熟已七八分浙西數郡稻秧如雲兩浙東西仰賴皇上軫恤之仁豐年可卜并附摺奏聞謹
奏

據奏豐熟可卜朕懷亦未必即能慰悅待秋成後方可定耳

浙江觀風整俗使臣王國棟謹
奏為據實陳明仰祈

睿鑒事竊臣抵浙半載周巡六郡在杭之日無幾全由台郡暫回省城因見巡撫臣李衛與藩司臣許容

辦事處似不相協臣思通省吏治民生均惟撫臣是賴而藩司為錢糧總匯事無大小與撫臣呼吸然所以致此不和則過在許容將伊調任後再看朕自有以詳察之也此論勿露於人與藩司性情均屬彊直而巡撫則莅任在先母載

之中辦理諸務已竭心力藩司新任舉動稍輕似有露丰采持短長更張事務之意此所以漸至抵

牾也至撫臣李衛之實心辦事公明廉幹實為臣李衛之病不在躁急在自是不謹所佩服而性情微覺躁急近者屢蒙

硃批諭旨

三

王國棟

聖訓漸就和平臣恪遵

皇上同寅協衷之

李衛亦甚服汝

訓旨凡關吏治民生事宜悉與商酌料理仰荷

聖慈已俱洞悉再京省各衙門胥吏作姦屢奉

豈止浙江為然直省皆同

明旨嚴懲而浙江一省尚未盡除近如撫臣李衛因米

價騰貴委官赴川買米到浙藩司書辦向買米各

員需索使費及將此米平糶委經歷驛丞等賣銀

解交驛鹽道庫書役又勒使費臣職司巡查凡有

所見是應如是

聞見理宜據實糾叅因該司道俱係通省大員吏

役犯贓非同入已現在嚴行示禁並巡歷所至檄

飭大小衙門幫役白役盡行裁汰且親提卯簿查

核去留務遵經制毋許陽奉陰違明知若輩姦狡

此輩小人其言如風過樹亦何能為

百出銜怨興謗其勢無所不至但臣受

恩深重仰賴

聖明在上盡力辦理猶恐有名無實致乖職守安敢避

若能免此四字何事不可辦理耶勉之

怨姑容并附摺具

奏伏祈

睿鑒謹

奏

覽

硃批諭旨

浙江觀風整俗使臣王國棟謹

奏爲敬陳縣務需才事宜仰祈

睿鑒事竊臣巡歷紹寧台所屬各縣查有台屬之天台縣地處山僻民多樸野歷任縣令不能整理前令梁懋敕尤事事廢弛經撫臣李衛與臣會疏糾叅在案現在署縣之萬際清辦事平常天台諸務廢弛之後急需能員料理查該員原奉

旨以知縣縣丞等官題用應遵

旨另行酌補又仙居縣田地山蕩魚鱗號冊久廢無存是以包攬抗欠歷年錢糧清查不易自非將該縣

田地履畝清丈則地方積弊必不能清而現署縣事之陶起潛託病乞休亦非清釐積弊之才通省

員外調任又難其人或另委專員查丈庶幾其弊可除

皇上又紹屬之嵊縣與新昌接壤似非難治縣令張泌奏履任未久其操守頗潔但性情躁暴甚不協於民情臣查詰該縣錢糧完欠據生員周頤等公稟嵊

縣戶書每錢糧一兩勒索私費三分張泌並無覺

察臣現發該府查審以上各員臣與撫臣面商料

皇上理再查署仁和令袁皞臣昔見其爲人誠謹據實

奏舉

硃批諭旨

三

王國棟

奏蒙

皇上恩旨補用仁和雖現在黽勉供職但省會甚屬繁劇仍宜量能調補使人地相宜庶得盡力報效又海寧令申程章臣在河南時因見其人頗有才識且約束生員不避嫌怨據實具

奏蒙

皇上飭令引

見授以知州銜料理海寧縣事今聞該令莅任伊始上下未孚求治過急或該令辦事舛悞或地方姦徒有挾私造謗等情臣查確時再行具

奏伏惟

聖鑒謹外委曲開導務期宣諭或曰此皆人外

覽所奏辦理數事均屬公當明白交付李衛可也

浙江觀風整俗使臣王國棟謹

奏爲恭繳

硃批即謝

天恩事五月二十五日臣家人恭捧

皇上批回奏摺及

聖恩賞賜午節各種錠藥到浙臣出郊跪迎望

硃批諭旨

三

王國棟

闕叩謝顯千齡各蘇寶慶隆禧
天恩開讀奏辭

皇上硃批跪繹之下仰見我人恭料

皇上至聖至明經緯萬端仁智運於一心緩急周於庶
務深居

九重而知臨四海史冊所紀實未嘗有是以

帝德光昭存神過化浙省風俗人心如何丕變之處臣

何敢言總仰賴

皇上德化委曲開導詳晰宣諭近日浙省人民稍知辦
賦急公息爭減訟姦宄之徒潛蹤斂跡此為尊親

天恩向化之一驗也臣一介庸愚學識淺薄蒙

皇上不次擢用游歷今職日夕兢兢常恐隕越惟有敬

承

天語一一欽遵奉行并手錄

聖諭供諸座右出入瞻仰朝夕服膺以為持循之要力

雖不逮而心實有餘謹凜諸寤寐矢之終身而已

所有奉到

硃批奏摺封繳並謝

天恩謹

奏

覽奏謝已悉此任本欲令爾整飭數年以期成效但湖南地方緊要廢弛日久急需治理布蘭泰操守心術俱好但器量褊淺不能化導該省總不得人今不得已命爾巡撫其地其勉爲之直省督撫中爲朕所深信可託而不勞神照顧者惟鄂爾泰田文鏡二人而已近日觀爾之居心行事朕又慶得一好撫臣矣此志絲毫莫移勉之

浙江觀風整俗使臣王國棟謹

皇奏爲恭謝
天恩仰祈

聖訓事竊臣一介庸才疊荷
聖恩不次擢用抵浙以來雖恪遵

諭旨多方誥誡次第勸懲以期革面洗心仰副

天心仁愛而才識短淺日懼隕越有負
任使乃蒙

皇上簡授湖南巡撫臣驚聞

寵命感激悚惶
聖恩深重敢不殫竭駑駘力圖報稱惟是巡撫爲封疆

重任各屬刑名錢穀之總匯與觀風整俗一缺又
章句迂儒一語朕甚不取儒之一字豈可大言不慚居
有不自念章句迂儒荷蒙

聖

祖仁皇帝簡拔濫廁詞垣成均佐教我

皆為御極以來叨沐此等套詞殊不雅馴前在湯山行宮

亦曾諄諄訓爾務將科甲習氣脫淨幾向虛文擲開方

隆恩備員講幄兩差鄉試考官一差河南學政臣學本

可設政事不致有偏袒科目姑息紳衿之庇也若胸

中少有空疎書生本分之累戒之慎之猶可勉強供職今

驟膺通省重寄兵刑財賦諸務未諳實深覆餗之

一二科甲出身之庸員重懲數名收檢不肖之劣生令

衆人曉然知爾心跡方好否則年誼故舊之黃緣請託

皇上發蒙指授則臣手足無措何所持循去年十一月

音問書札絡繹紛紜臣在湯山

聖行宮面領

聖諭視爾才器儘可大用此番諭旨無論陞用何職任

使何處俱已訓誨爾宜恪守欽遵臣聞

命之下汗流浹背即跪

奏臣材質凡下現今浙江任內深恐有辱

君命此外重任臣才實不能勝區區下情已叨

聖鑒今者過蒙

恩命夙夜恐惶既不敢冒昧赴

闕又不敢逗遛浙省謹遵

旨即赴湖南俟臣到任後查閱地方事務情形另疏具

題恭請

不必奏請陛見若有應面諭處自然令爾來京今若來

殊批諭旨

三

王國棟

見仍不過湯山訓爾之旨總當照浙省之居官行事絲
天恩准臣於十月內馳赴
毫不可移易果不心隨境遷朕自能洞鑒僕僕往來徒
關廷跪請
然何益
聖安面聆
南對引臣升谷園此式事齊計派尺裁具

聖訓庶微臣犬馬戀

主私忱得以稍慰楚南地方事務有所遵循再臣家本

寒素並無親信家人臣胞弟王國安係候推守備

因騎射尚欠嫻熟未經到部投供爲人醇謹小心

素知自愛且事務亦頗明白仰懇

皇上聖恩准臣攜帶湖南佐臣料理庶務約束家人俾

封臣得專力辦事或可稍免貽悞合併附摺

奏明謹咨再計林野其金帶羅國正祿受命

奏

爾弟王國安准爾帶赴湖南相助料理家務但須嚴加
約束毋令招搖生事如現在浙省一面帶往一面將奏
請奉旨情由咨明該部并本旗可也

浙江觀風整俗使臣王國棟謹

奏爲奏明事臣奉

命巡方抵任半載浙江十一府已歷杭嘉湖紹寧台六

郡計四十餘縣業將地方情形先後條析奏

聞其金衢嚴溫處五郡所屬臣雖未身歷所有風俗吏

殊批諭旨

天

王國棟

聞其治營伍一切事宜久經通行檄飭兼隨處查訪聞
民俗金華刁悍溫州浮囂衢州稍覺質實但棚民
頗多處州儉陋嚴州醇樸此五府風俗大槩然較
之杭嘉湖等處厚薄相去甚遠現在錢糧詞訟俱
稍異從前再派周巡所至凡有已經提拏各案地
方官尚未審結者舊例一經陞任槩行註銷今臣
除有情罪可原從輕發落外其實有過犯者仍飭
據爾意見許容堪此任否
地方官嚴行查審詳明新使臣許容完結又杭嘉
湖等處向有劣名今無過欵者就臣見聞開單交
與許容再行訪核料理其金衢嚴溫處五府吏治

因未經巡歷賢否尚難確知今臣赴任湖南道經

金衢嚴所屬地方仍當加意查核具

人糊塗且好尚氣更爲情懂無知但聞一

奏至於溫州鎮邊士偉處州鎮王安國聞辦事俱勤

人猶能整頓營伍第邊士偉與同城文員不甚和協黃巖鎮董一隆

定海鎮林亮俱係新任未聞短長象山協劉職聞

人甚平常

其人稍有年紀然約束亦頗謹嚴金協現在缺員

嚴衢兩協俟臣經過時查驗并

奏臣才質凡庸莅任以來雖竭蹶趨事未有涓埃之

補受

恩深重慙汗悚惶謹將聞見情形據實

殊批諭旨

恩奏明謹

奏

文武兩途在在需才總難得人今權事之輕重而命汝往撫湖南也勉之勉之

浙江觀風整俗使臣王國棟謹

奏為敬陳浙省財賦情形仰祈

睿鑒事臣叨蒙

聖恩在浙數月凡有聞見關吏治民生者留心稽察浙省為財賦重地撫臣李衛極力飭查料理而在州縣則有捐墊流交之項在里戶則有田糧不清之

弊查一切正雜錢糧俱關

國帑豈容那移墊補然浙省州縣則實有萬不得已

之情如兵米計口授食刻不可緩青黃不接之時

民間無米可徵滿漢官兵嗷嗷待哺不得不為墊

給又漕糧兌限孔迫民間尾欠催徵不齊勢需那

墊以濟兌運其他應捐各項頭緒甚多承辦之員

不得不動那墊用既經那墊未及補數遇有陞遷

事故接任之員如報參虧空則實有民欠官捐各

項可抵乃接受交盤之後徵補還項無多勢難賠

補復有交代亦即流交後任其提火耗一項亦有

殊批諭旨

三

王國棟

將民欠作抵者輾轉相沿無所底止至民間錢糧
按畝起科全在地畝清晰逐戶照則徵收自無詭
寄飛灑之弊如台州之仙居天台等縣舊有魚鱗
號冊散失混淆民田難以稽核遂致強者有田無
糧弱者有糧無田其餘各縣如仙居天台者所在
此弊朕亦詳知所以曾經數次嚴諭
多有卽每年徵收地丁冊籍各府屬縣多無花戶
的名以致零星分戶不便催徵詭寄田畝無從究
詰衿監胥役從而包攬侵欠爲此撫臣李衛飭行
順莊催糧之法臣亦通飭十一府查造花戶的名
冊籍如果行有成效則詭戶之弊或可稍除而田

糧不清實爲病官殃民之本必專委幹員履畝清
丈清丈之法若不得其人萬不可輕舉開造魚鱗細冊則在民財賦始可頭緒一清至
在官錢糧久欲清釐因兵米漕糧各項事關緊要

不准那墊勢必誤公尚須通算熟籌藩司臣許容
伊二人亦皆詳悉奏過似乎巧婦不能爲無米之炊然
近會議詳未經料理奉有
究係籌畫未到也
新命臣職司巡查緣係地方重大事件謹繕摺奏
聞又臣奉

命之日適李衛往嘉所掣鹽於旬日內回省臣與面商

料理未竟事件卽行起程赴楚合併具

奏伏惟

殊批諭旨

聖鑒謹

奏

覽
湖南巡撫臣王國棟謹

奏為奏

聞事竊臣蒙

皇上天恩超擢湖南巡撫浙江任內之事業經屢摺陳奏所奉

諭旨事件逐一俱與撫臣李衛會商臣於七月初四日由杭起身路經嚴金衢三府凡各屬員接見之時

皆與臣宣布

聖德闡發
聖諭勸誡各該員仰體

皇上愛民育物之心嚴飭紳衿士庶務期痛改積習急公輸稅減訟息爭漸登返樸還醇之治看得嚴州

府知府張芳居官聲名頗好但其人稍有年紀署金華府知府杭州理事同知車栢前已單列

奏明衢州府知府朱倫瀚臣前奉

聖訓命臣察核賢否到浙時業將宣諭

聖旨之處附摺陳

殊批諭旨

聖奏查朱倫瀚先經撫臣李衛委署寧波繼奉

旨補授衢州知府臣巡查寧波聞其署任時頗有官聲

果能謹慎周詳則堪勝府任有餘矣

平日謹慎周詳有餘而特立獨行果敢之氣不足

茲蒙

皇上天恩棄瑕錄用倫瀚益加奮勉似可供職嚴協副

方文登於引見時朕觀其人平常後因拏獲慶元一案

朕甚嘉之詢問督提皆言其好今已擢陞總兵如爾所

奏又恐難勝其任矣

精力強固似屬可用至嚴金衢年景臣過時見早

深慰朕懷

成亦好及至南昌見督臣邁柱所言通省收成雖

有不齊較上年大概俱好合併附摺奏

聞謹

奏

覽

湖南巡撫臣王國棟謹

皇奏為奏明事竊臣於八月初十日到湖南任署撫臣

布蘭泰即將錢糧倉穀

欽部案件造冊交代并將

硃批分別催科以清積欠一摺遵

硃批諭旨

三

王國棟

旨示臣跪讀之下仰見

睿慮周詳無微不至欲使去任者任怨任勞新任者便

無難處之事

皇上整飭綱紀之意既重以周而體恤下情之慈又詳

以摯臣等具有肝膈敢不黽勉辦公以求報稱臣

愚又以為督撫大吏在去任者固不可沽譽市恩

在新莅者身任封疆之重為通省吏治民生所賴

尤當加意嚴肅整飭則風聲所播庶可以令行而

禁止若稍示寬大則吏治必多縱弛民情必生慢

易將來諸事便難整理臣到湖南接見所屬各官

俱嚴加誨諭因初莅任時屬吏賢否未能周知
容訪聞確實再行奏請
聞其藩庫錢糧臣照例盤查具
奏至各屬常平倉穀據布蘭泰與各司道俱云並無
虧空臣亦不敢盡信現在各州縣官吏見

功令嚴肅任意侵漁者或少然或存倉耗滯或折價
從來有治人而無治法盤查固不可緩得人則更易清
未買俱未可定臣已委員確查於到任三月限內
楚矣

核實具

題湖南向有攤荒之弊與復則減則各案亦關緊要
署撫臣布蘭泰交代各案其中有數處頗難清楚

者臣細閱案卷已面諭各該縣設法經理濶新清

楚使豪強無欺隱之弊小民無包賠之苦至查首

遵朕日前之諭既往不究料理似易爲力

明白之田地塘畝俟各州縣覆齊之日核明額內

額外分別抵補陞科又苗疆查事臣到任後卽查

閱案卷其保靖永順二司俱已新設同知管轄地

方諒必寧輯近據乾州同知王柔詳稱鎮溪所十

里版圖前朝原有崇山衛城設立總兵今六里爲

土苗所占歷年已久當此

國威遠布之時不難仍歸版籍然臣新到湖南兼之

事關重大固不敢因循苟且以失事機亦不敢冒

昧張皇以滋紛擾當與督臣福敏熟商審處再行

具

奏臣謹繕摺奏

聞謹

命奏

鎮溪所之事慎重爲之尺寸之地在內在外有何關係

但務民苗相安爲上倘因六里地方滋生事端一切反

難措置矣殊非急務聞王柔居官頗好確否已有旨調

伊來京引見

湖南巡撫臣王國棟謹

殊批諭旨

王

王國棟

奏爲欽奉

上諭事湖南湘陰等十一州縣雍正五年夏被水災蒙
皇上命署督臣福敏署撫臣布蘭泰查明賑恤已共沐
浩蕩

皇恩猶恐所發之銀或未敷用復

命發帑金二萬兩交臣確查散給又恐地勢低窪堤岸
未修易至泛溢設法興修防護奠安居民又恐一
時米價稍貴姦民如有借端搶劫者卽嚴拏審訊
分別首從治罪此誠我

皇上以愛民如子之實心行愛民如子之實政臣受事

之後查前署督臣福敏署撫臣布蘭泰已於司庫

公項內動銀散給又復借用採買穀石委員賑濟

皇上又念湖南濱湖州縣連年被水

朕憫其連年被水故施此殊恩並命興修水利爾等當
命確查查明亦照湖北咸寧蒲圻等縣衛之例將今歲

熟籌深計務期克奏一勞永逸之效以副朕懷
錢糧蠲免被水窮民漸覺安堵今冬亦稍可支持

臣仰體

皇上軫恤民瘼之心與司道等公同詳酌若將奉發之
銀儘數一時散給恐將來青黃不接之時難以接
濟現在檄飭各該屬確查戶口先將一萬兩卽時
給發將一萬兩亦卽發交被水之州縣衛領回趁

此秋成於隣近豐收之處照依時價預行採買米

石貯倉待至明春正二月間仍照原報戶口按名
此舉甚好

給發以濟窘窮庶小民今冬明春均有濟益又查

湖南被水之處除湘陰等十州縣衛外尚有長

沙永定二縣衛係續報水災造冊詳請亦經布蘭

泰核

題在案雖未准到部覆似應一視同仁均勻分給以

廣

是皇仁臣俱出示曉諭嚴飭各府縣實力奉行至於衝損

同心合力共相籌畫堤塍作何修理之處業經飭查俟督漕邁柱到任

皇上後會同料理再行奏聞

聞又今歲收成數查湖南所屬地方除被災州縣衛

外其餘九府州所屬據報申稻晚稻收成俱有七

八九分不等米糧價值不過九錢一兩不等合併

皇上奏聞謹聞

聞謹聞又更半日奏聞謹聞

奏何

忻悅覽之寒熱交并部發湖九至八月日詳覽登

湖南巡撫臣王國棟謹

皇奏為奏明事竊臣蒙

殊批諭旨

三

王國棟

皇未擢用隆恩有逾常格臣初至湖南夙夜小心辦理
庶務深恐才質庸陋稍或隕越乃莅任二十餘日
後忽寒熱交作時發時止至九月二十日稍覺痊
瘳可臣卽附摺

聞奏明又復半月寒熱始不復發目下調理已愈伏念
皇上宵旰勤政訓迪百官雖一命下吏無不爭自濯磨
羣策羣力臣具有肝膈安敢惜身圖安故雖在病
中地方諸務仍勉力辦理但恐一時精力照管不
周又到有疎漏今幸託南河總督臣劉世明交藩臣查其案
皇上福庇調養已愈謹繕摺

奏明臣無任仰瞻悚恐之至謹附片陳明伏乞
奏 旨
如此公忠爲國精勤爲民古人云爲善日強何病不痊
耶前聞爾染疾朕未免繫念今覽奏大愈深爲慰悅雖
然凡百量力爲之不可過用精神一切處但返之於心
無愧斯已耳何必勉強從事爾其遵諭毋違

湖南巡撫臣王國棟謹

奏爲奏明事臣前將至湖南時設在湖南候補知縣
會奏紹寧台三府官吏賢否蒙

皇上硃批浙江一省朕每揀選上等人材發往湖南屬

皇員未必能及浙省爾到任後加意教導試用臣謹遵諭旨每於屬員進見之時宣示

皇上造就人材之至意諄切教導近亦咸知勸勉然州縣屬員尚多優劣不等臣自不時察核查有玷官箴者先後糾叅才識平庸者

題改教職至知府各員尚堪供職如原任長沙知府孫元原任衡州知府汪櫛為承審長沙協副將李登雲串通斥革把總余成龍派索一案經前署督臣福敏題叅降級調用照例摘印委署臣查此案前署司長沙府知府孫元先任衡州府知府歷練

已久地方諸務熟悉原任衡州府知府汪櫛先蒙皇上特簡長沙府知府辦事勤慎前署撫臣布蘭泰將

奏兩人

題請調用蒙

皇上俞允俱在

聖明洞鑒之中臣莅任後見孫元汪櫛亦俱實心任事頗能稱職猶屬可用之員今以承審遲延誑誤殊

為可惜臣愚昧無識因

此二人居官之優朕所稔悉汝即不奏朕亦留其在任皇上愛惜人材起見可否令其降級留任該員自益加

奮勵裁成造就皆出自

殊批諭旨

光

王國棟

皇上天恩臣謹繕摺具出

皇奏再湖南省米價近日每石計兩留錢並東不長
沙府城十一月十九日得雪積五六寸二十日復
大雪又積七八寸嗣後瑞雪連朝皆由

皇上愛民心切感召
天和亦來歲豐稔之兆也合併奏

聞謹

奏

去冬之雪直省普遍霑足誠可謂
天恩浩蕩也

皇上湖南巡撫王國棟謹
奏為奏明事雍正五年七月十三日奉

上諭興修堤岸一事臣謹按湖南長沙岳州常德三郡
逼近洞庭湖邊計有堤之處如湘陰巴陵華容安
鄉澧州武陵龍陽沅江益陽九州縣環遶大湖堤
埝甚多緣洞庭一湖春夏水發則洪波無際秋冬
水涸則萬頃平原濱湖居民遂築堤堵水而耕之
但地勢卑下水患時有惟恃堤垸以為固蓋同一
堤塍而形勢與湖北迥異者湖北之堤禦江救田
湖南之堤阻水為田湖北之堤或東西長數百里

南北長數百里湖南之堤大者周圍百餘里小者
三五里方圓不一星羅棋布名雖為堤其實皆垸
而洞庭湖三面受水凡沅湘滇黔川粵之水千
條萬派皆滙其間而所賴以洩瀉者惟江偶值水
豈有是理果若此何可當耶蓋江水暴漲不能容納其
大之年諸水併歸江水又漲不惟不洩反灌入湖
勢似倒灌耳
堤垸不能堅固以致衝決漫溢田禾淹沒民難安
堵向係民間歲修工費或多官修助之查康熙五
朕已推援
十七年官修堤費湖北四萬有奇湖南二萬五千
聖祖之恩例降旨施行矣
奏有奇此則三郡堤垸之大畧也我
皇上念切民生知濱湖之處地勢低窪堤防不固設法

興修務圖一勞永逸為小民謀其萬全浩蕩

皇恩實亘古以來所未有也上年冬臣檄司轉飭長岳

常道督同確勘去後今據司道府詳各州縣回稱

去年稍被水災蒙

皇恩動帑賑恤又免地丁錢糧各堤居民感戴

皇仁一切堤垸俱各踴躍爭先願自出力加高培厚等

語詳覆但臣查各屬估勘冊內現有潰口四百三

十餘處估計工銀七千四百九十餘兩工程緊要

費用頗多若不急為籌算深恐民力不齊春水

硃批諭旨

聖

王國棟

發致有貽悞臣已飭令水利各官搶修潰口剋限
趕築此外險工次第興修更嚴禁包折等弊實夫
實工務期增加高厚工程堅固以副
皇上視民如傷已饑已溺之至意所動工費銀兩現在
皇恩會同督臣邁柱具丁
題臣謹繪湖南長岳常三府屬堤埝圖并撮其大意
為堤埝圖說裝成一冊恭呈
御覽至湖南藩庫存貯耗羨銀兩於雍正五年十一月
接准部咨凡非關地方公務擅自動支者該司即
據實報部

題參臣即檄飭署藩司李蘭遵

旨逐一查核從前各院司凡係應酬交情及已身用度

者共計支過耗羨銀一萬一千一百一十二兩九

錢除署藩司造冊咨部

題到外合併附

奏再湖南地方一冬多雪入春以來雨水又復調勻

聖德感孚休徵協應豐稔有兆日下米價照舊每石一

兩一錢上下不等臣謹繕摺奏

聞謹

奏

雨雪調勻深慰朕懷但能以公誠之心對越

天地神明雨暘時若朕可力保爾等督撫節制封疆關係

實非淺鮮欽哉慎之善

湖南巡撫臣王國棟謹

奏為恭謝

天恩敬覆

諭旨事雍正六年正月初二日臣家人恭捧

硃批奏摺及賞

御書福字貂皮寧絢荷包風羊回至長沙

至署望

闕九叩祇受訖嗣於雍正六年二月初十日臣家人復

恭捧

硃批奏摺到長沙臣跪讀之下屢蒙

皇上優旨感深勉之勉之莫移初志四字是人所難非大丈夫大聰明

聖恩深重雖竭聖恩深重雖竭盡駑駘總難圖報於萬一也長沙知府

孫元衡州知府汪櫛先經前署督臣福敏以承審

奏遲延糾叅摘印臣以遲延有因且見二員猶屬可

用為

天國家愛惜人才起見

奏請可否留任後經部議以逾限不過三日例止罰

硃批諭旨

聖

王國棟

奏俸准到部咨已令其復任謹繕摺恭謝日
天恩敬覆 人水味具

諭旨臣不勝感激屏營之至謹

覽 奏為奏明堤工情形事竊湖南長沙岳州常德三府屬有堤之湘陰益陽巴陵華容澧州安鄉武陵龍

湖南巡撫臣王國棟謹

奏為奏明堤工情形事竊湖南長沙岳州常德三府屬有堤之湘陰益陽巴陵華容澧州安鄉武陵龍陽沅江九州縣上年八月初十臣到任之日接准

閣部咨內開欽奉 聖旨 欽此

上諭湖北湖南近江濱湖之地居民常被水患朕心深

為憫惻或有堤岸未修或有疏濬不力務須設法經

理以安民居邁柱到任後會同湖北湖南巡撫悉心

商酌將如何興修防護之處詳悉速議具奏欽此臣

遵照委員逐堤查勘估計於十二月督臣邁柱到

任後即移咨商妥於今年開印後興工派員監督

採運等各捐穀石幫給百姓已皆踴躍赴工願自出

力加高培厚復於雍正六年四月初九日接准督

臣邁柱移咨三月初三日欽奉

上諭朕念修築江堤疏濬河道該地方既有歲修之定

例今百姓踴躍從事加高修濬甚屬可嘉用沛特恩
助其力作將帑銀賞賜六萬兩令邁柱於湖北湖南
二省酌量工程多寡分派散給並飭地方有司實心
料理使小民均沾實惠工程永遠堅固以副朕愛養
楚民之至意欽此臣隨出示諭知堤工百姓感戴
皇恩喜出望外益加奮力堅築歡呼

萬歲今據九州縣陸續詳報潰口俱已告竣其首次險

農忙暫停甚是工有告竣者有報八九分與六七分者其平易工

程有告竣者有報現在興修者目下時值農忙田
功尤為緊要俟裁插事畢便可齊力搶築竣工臣

謹據實陳

奏再查湖南通省近日米價上米每石一兩起至王

兩一錢不等中米九錢起至一兩一錢不等二

麥收成有八九十分不等其有蠶豆菜子之處亦

俱有十分收成自正月至四月雨水調勻秧苗遍

插皆我

雨水調勻深慰朕懷然此實視汝等督撫之心行何如
皇上愛民重農感召

天和致此豐稔之兆也理合

奏明謹

奏

覽

湖南巡撫臣王國棟謹

奏爲州縣人才難得仰懇

聖恩准予開復事竊湖南前撫臣王之樞派徵長沙等縣減則銀兩案內解任之龍陽知縣劉鐸安鄉知縣趙琳澧州知州黃炎又來楚質審之醴陵縣丁憂知縣袁振緒經前撫臣布蘭泰審明並非私自勒派

題請開復部覆以各員所解徵收銀兩現在著落王之樞等名下嚴催完補況同案之張楸現於王之

樞本案互揭革職質審均難遽准開復應俟王之樞等銀有無完報並互揭之案審結具

題到日再議臣思州縣減則之案業已審結所解減則銀兩又已奉

旨著落王之樞等追補似與伊等無干至張楸互揭之案更與減則無涉臣見劉鐸趙琳黃炎袁振緒等俱諳練民事熟悉湖南風土經臣委勘茶陵攸縣鄱縣安仁等處未經復則田畝頗能小心承辦清釐有法復委協辦湘陰華容安鄉堤工亦俱實心料理臣思州縣人才難得伊等尚屬可用可否准

其開復留楚效用俟有緊要州縣缺出容臣各照
原銜酌量題補給咨赴部引

見此皆出自
皇上天恩倘蒙
俞允當卽會同督臣邁柱具

題謹

奏

如此方是賢員理應愛惜具疏題請開復可也

湖南巡撫臣王國棟謹

奏爲請

旨事湖南復則田地一案臣查得辰州府屬沅陵辰谿
黔陽三縣界接苗徭在萬山之中土壤磽瘠與別
府州縣之平疇沃野迥異而沅陵一縣田畝六升
三合起科地畝三升四合起科較之各州縣田地
塘糧每畝不過一二三四升起科者實又偏重今
據司詳辰州知府汪立名遍加履勘曉以

皇上愛民之仁三縣民屯士庶踴躍趨赴自願陞科認
復原則紛紛求請於雍正六年起徵輸納臣查各
該縣復則田地例應於雍正三年復則起徵計應

補三年陞科糧共銀一萬四千八十餘兩但三縣俱係瘠薄之區收穫無幾欲將三年陞科糧與當

皇十年之原額及新陞錢糧一併催徵恐敲朴徒加民力終難輸納查雍正五年五月十五日欽奉上諭各省向來之地畝隱匿未報者准官民自行出首將從前侵隱之罪悉從寬免其未納之錢糧亦不復追問定限一年令其首報統於雍正七年入額解徵等因欽遵在案今三縣既認復則所有雍正三四年五等年陞科糧可否槩行寬免准其雍正六年起徵出自

皇上天恩爲此繕摺請

旨批示以便繕疏具

題謹營署具

奏

自然應從雍正六年起徵卽照此具疏題奏可也

又所奏嚴定處分一摺現發部議候旨遵行

湖南巡撫臣王國棟謹

奏爲敬覆

諭旨事竊桑植保靖二司土衆感悅歸誠土司遵法繳

贖印臣業經會同署督臣福敏

王國棟

殊批諭旨

題報在案其遵

旨調度事宜相應奏二府土眾外鎮歸土司

聞臣先檄飭新授副將楊凱會同同知鐵顯祖領兵進

桑植駐防復酌用鎮筵鎮遊擊王進昌會同同知

劉自唐領兵進保靖駐防臣隨出示宣揚

聖德委曲曉諭去後土民叩頭感泣土司繳印并有喇

布神旗各土人隨印出來叩頭投誠目下正商建

置營署兵房添設弁員抽調卒伍一應善後之策

并商安插土司之處會同酌妥再行

題奏又乾州同知王柔詳稱鎮溪所十里版圖六里

為土苗所占一事臣欽奉

皇上硃批跪讀之下仰見我

皇上睿慮精詳包容廣大視四海猶一家地何分於內

奏外臣謹遵

聖訓撫綏苗民輯寧邊徼總在使之相安諸凡不敢冒

昧但六里土苗及紅苗之事王柔言之鑿鑿渠為

人雖覺粗率然熟諳苗疆辦事勤敏今因遵

旨迎請

龍神已委王柔來京虔請於王柔引

見時

硃批諭旨

完

王國棟

皇土詢其情形悉知原委合併

奏明謹奏王來來京史前王來來

首奏請

欣悅覽之應須料理一勞永逸之事斷然不宜畏難但不可好大喜功濫及無辜

湖南巡撫臣王國棟謹

奏爲奏明事竊湖南永州府寧遠縣生員荆之寶家於雍正六年二月初一日夜被劫一案經臣嚴飭各汛弁兵協力會擒獲得賊黨年亞孫一名嚴訊供稱賊首廖老四等係廣東連州人關文密拏前

已

奏明在案臣又訪知二月十八日永州鎮標左營遊擊楊京瑛同把總王俊侯進山追擒不識路徑反被賊捉放回猖獗已極臣又陸續嚴飭文武官弁設法擒拏務期全獲茲於四月二十二日准永州等處總兵官楊國相移咨四月十六日據遊擊楊京瑛呈稱行劫荆家賊夥當卽四路懸立賞格訪查嚴緝據江華縣民鳳成偉等稟稱深知此案賊犯來歷住居廣西賀縣等處地方情願報效前往緝拏等情隨挑選健兵十名令把總周永安帶領

兼同鳳成偉等前赴賀縣密緝於四月初九日拏獲賊犯潘文德方應隆二名解送寧遠縣署縣蔣德重嚴訊二犯供出夥盜黎青奇等八人俱係賀縣人今仍委把總周永安帶兵與鳳成偉等協同縣差到廣西賀縣一帶地方照依縣審姓名年貌住址關文廣西賀縣文武嚴拏各犯等情前來據此所有本標遊擊楊京瑛所拏賊犯姓名并關拏各犯緣由理合呈報等因到臣臣已飛飭署寧遠縣蔣德重俟夥賊緝獲到日審明速報外謹先繕摺

奏明謹

奏

覽

據孔毓珣奏聞於廣東地方亦擒獲數名矣此等匪類不法已極當盡法究處不可稍涉姑息

湖南巡撫臣王國棟謹

奏爲覆

旨事竊四月二十一日臣標把總恭捧

皇上硃批奏摺到長沙臣伏讀

硃批謹遵

硃批諭旨

至

王國棟

諭旨凡嚴察屬員懲治民俗之處當益加留心實力整飭仰副朕懷

聖懷再辰沅靖道王柔迎請

龍神於五月初二日到長沙臣已建設祠宇誠敬供

奉

皇上愛民重農建立

先農壇行耕藉禮今復虔造各省

龍神像位爲民祈福一誠所感通於神明目下湖南

麥雨暘時若插蒔已畢四望田禾芄芄遍野從此

國家歲逢大有農民屢慶豐年

龍神之福

國佑民皆

皇上之格

天感召也近日湖南各府米價比去冬每石減去一錢上

下不等合併奏

聞謹

奏

禾稼秀而未實年歲尚未可定何遽云從此歲逢大有

等語朕最不喜此等虛誕無益之言豈我君臣以一誠

對越神明祈

殊批諭旨

聖

王國棟

天垂佑之心乎況朕屢降諭旨甚明雨暘之應實關汝等督撫之公私誠僞用得其人卽朕之所以體

天宣化若用非其人朕有何術以感召之耶湖廣米價從未聞如此之昂今不過稍爲平減正我君臣夙夜修省憂勞思過之際乃出斯大言毫無敬慎之誠似此漫忽居心朕實不取汝等身任封疆一不存爲臣不易之心必至於喪失身家而後已也看此光景初志已移大非田文鏡李衛之居心行事矣敬之慎之

湖南巡撫臣王國棟謹

奏爲奏

聞事竊查湖南巡撫標下左右兩營兵丁內向有空糧四十名係撫臣家丁充當前撫臣趙申喬止留三十名以二十名歸營募補歷任相沿至臣莅任後雖照舊開支其應領銀米仍貯該營以充火藥等公項之用但臣撫標兵丁均關營制所有家丁名糧二十名未知前任撫臣曾經

奏明與否茲准署提臣劉世明咨商永順保靖桑植三處地方需兵彈壓添設營制不敷兵丁議於通省各營抽調併臣標抽撥二十名臣現檄飭中軍遊擊等將家丁糧二十名內募補十名以足抽調

之數其餘才名糧餉於左右兩營內各存五分以備火藥軍器等項之費理合據實奏聞謹
奏聞謹三奏此式需具職不端營歸不幾兵丁請於
此事布蘭泰亦經奏過汝酌量行之

湖南巡撫臣王國棟謹
奏為恭報湖南雨水情形及早稻收成分數仰祈
睿鑒事竊惟楚南地方自本年春夏以來雨暘時若
麥豐收惟五月十八日以後至六月初旬據辰永
開津等屬陸續具報得雨而長沙府城雨澤稍有愆期

臣即於六月初六日率同闔屬文武各官於
敕建龍神廟虔誠祈禱臣因查勘堤工於初九日自長
沙起程初十日行至湘陰縣本自暨
甘雨續據布政司趙城飛報長沙府城同日得雨
并據岳常等府呈報亦皆陸續得雨十八日臣查
堤至常德府龍陽縣地方又得甘雨二十二日至

常德府城本日大沛甘霖四野田疇霑足小民莫
不喜此等套語汝等若不能秉公體國實心任事
朕最不懽呼載道感頌
聖主洪福現在湖南各屬早稻俱已刈獲據報收成約
有七八九分不等晚稻今已得雨亦可冀望有收

除各屬得雨有無霑足之處容臣查確另報外謹
聖主先將六月分雨水情形及早稻收成分數據實奏

聞謹

奏常

奏為奏

湖南巡撫王國棟謹
聞事雍正六年二月十三日湖廣鎮總兵署九谿協
副將印務周一德具詳二月十三日據下崗長官
司向鼎晟呈稱竊照卑職下崗長官司創設始於

唐宋相傳千有餘年屬九谿衛管轄輸納錢糧世
受

國恩謹守忠順今逢我

皇上恩及苗疆澤流邊遠桑植保靖俱准改土歸流土
衆得以安居樂業共享昇平隣近土司莫不欣欣
向化是以永順亦請改流竊思桑植保靖原因獲
罪改流至於永順土司實心向化之處所當效法
今卑職擇善而從自願改流永為

聖朝赤子以盡效順之誠但念卑職祖居邊徼世為土
人實無原籍可歸伏懇轉詳

硃批諭旨

王國棟

王國棟

題達改流并求憫念窮員向化之志仍守祖宗廬墓
望不令遷徙異土再查卑職彈丸邊鄙幅幘甚小煙
戶無多向因隣司兵擾逃亡殆盡現僅存一百一
十一戶仍請屬九谿衛就近管轄輸納錢糧等語
又據副將楊凱同知鐵顯祖報同前由臣思下崗
長官司向鼎晟世襲土職謹守忠順今自願效法
永順改土歸流將所轄四至地界戶口冊造齋前
來願入九谿衛管轄輸納錢糧求勿遷徙臣見情
詞懇摯出乎至誠現在批行藩臬兩司妥議具詳
會同督臣邁柱另疏具

題外謹先繕摺奏

聞謹

皇奏

覽奏已悉但土官若盡令改流殊不勝其繁已命怡親
王轉傳密諭令汝等詳細斟酌旨到時爾與邁柱悉心
籌畫奏聞朕閱疏後再行批諭

湖南巡撫臣王國棟謹

奏為奏明倉穀事湖南各府屬常平倉積貯穀石臣
於近年各屬減糶之後即飭買補并委員遞盤如
果存糶穀石顆粒無虧即出具實貯印結詳報一

硃批諭旨

王

王國棟

或缺少該員隨盤隨揭臣卽指名領甲請補一
題參前已各風加購之資四員蘇洪委員劉烈
奏明但臣查長沙巴陵武陵等十州縣衛於雍正
五年夏被水災經前署撫臣布蘭泰先於司庫公
項內動用散給又復借用各被水州縣衛存貯倉
穀共二萬八千六百石委員賑濟此項穀石係布
蘭泰仰體

皇仁一時從權動用未經

開題明旋率司道府各捐銀買補還項每石議價三錢
五分飭發買補上年湖南被水穀價騰貴不敷採

皇上買除益陽巴陵武陵沅江九谿永定具報買完外
尚有長沙湘陰澧州安鄉龍陽華容岳州衛等州
縣衛無力賠墊一時不能買足臣思此項係借用
穀石非同別府州縣春夏減糶秋冬買補一有違
限當卽

是

題參之比今將各州縣衛未買穀石現檄飭作速購
買如數貯倉毋許遲延致干叅處但臣念前署撫
臣布蘭泰發價之後正署迭更又遇歲歉穀貴三
錢五分原不敷買臣查有實係無力不能賠補者
可否於司庫三分耗羨內酌給添補速買貯倉或

寬期至秋成穀賤之時令其補足再有違誤立即
題叅此出自下效買引查官齊給其口不請報蘇法
皇上天恩伏乞 聖鑒批示施行謹
奏
寬至秋成買補爲是湖廣穀石較之他省猶易於措置
惟當以懲治刁悍習俗振刷屬員因循爲要務也

湖南巡撫臣王國棟謹

奏爲奏明事竊湖南桑植地方甫經改流
皇上憐憫苗民向受土司殘害設立文武各官撫綏彈

壓副將楊凱先由遊擊超擢辰州副將以其熟諳
苗務

特恩調補桑植岳州府額外同知鐵顯祖係減則案內
呈誤知縣亦爲其熟悉苗情破格擢用此二員者
自當文武和衷恩撫土民輯寧苗地方不負
皇上任使隆恩乃文武不睦動輒齟齬同知鐵顯祖科
派擾民先據楊凱將伊劣蹟稟報臣亦密訪得實
隨會同督臣邁柱

題叅在案但臣又訪知楊凱莅任以來不能鈐束兵
丁每事寬縱致擾居民臣已札致督臣提臣其楊

凱居官之處自必查核確實具

奏再湖南軍政冊開造標下左右兩營遊擊等官履

歷內有右營遊擊郭永祚年七十四歲例應填註

年老之員臣查郭永祚履歷於雍正二年引

見時年已七十蒙

皇上天恩念伊係曾效力之人由于總掣廣西守備

特放湖南遊擊早在

皇上洞鑒之中臣見其精力尚健整飭營伍尚無貽悞

此所奏甚是但老健卽同春寒秋熱必不能久覺其精

力少衰艱於供職時令伊自請休致可也

聞謹

奏士鞅亦同日咨回前由臣思此案該人雖因對木

覽
之手鞅亦在田情亦之手舉計善計亦州與臣

湖南巡撫臣王國棟謹奏

奏爲奏明事竊雍正六年七月初三日據永州永明

縣署縣吳璠詳稱永明縣扶靈徭素產杉枋徭人

逐年砍伐堆積山谿兩岸本年四月內溪水暴漲

漂流而雨有附近徭地之規頭村居民以爲無主

之物任意撈取孰知徭人跟蹤尋至村民不還當

卽捉人復於五月內統衆肆橫到村搶去耕牛夫

亦二百餘隻隨經追出入口給還杉枋先委桃川

市巡檢入獠追取牛隻獠人抗不服追卑職又親詣扶靈獠地方委曲勸諭令其出質獠人竟堅不退牛抗不赴質伏乞嚴批究治等語臣屢經飭行該府縣開誠曉示獠人秉公推鞠究擬招解去後續於八月二十七日復據永州府轉據新任永明縣知縣何鉉詳稱七月二十四日扶靈獠人復統衆捉去村民周正翟許仔搶去牛一隻割去禾豆等物八月初九日又統衆潛伏傷死在地摘棉花之毛端若在田割禾之毛舉仔等情永州鎮臣邊奏士偉亦同日咨同前由臣思此案獠人雖因撈木

奏起釁但已經給還杉木縣令又復親詣面諭乃其兇惡至此或者其中別有隱情亦未可定臣現檄委永州知府親詣該地會同鎮臣先出示明白曉諭宣布

皇上德威民獠均係

朝廷赤子並無岐視化導民獠兩造出質以息爭端究擬傷人獠頭以爲獠人肆橫之戒倘仍負固不服自應臨以兵威臣與督提二臣另行商酌請旨遵行謹將扶靈獠情形據實

奏明伏乞

硃批諭旨

睿鑒謹

奏

此等苗徭與禽獸何殊必至萬不可恕時相機舉行猶當慎重近日以來各省整理番苗徭徭之事稍覺過多可緩者應徐徐圖之如王柔急公效力之心雖切恐或涉於孟浪諸凡必詳加審度可保萬全者一舉而加諸彼方克奏效若大費經營未能徹始徹終洞悉之事且靜以待之為是慎之母忽

湖南巡撫臣王國棟謹

奏為奏明事竊惟保靖桑植永順三土司奉備八其

旨先後改流其作何分建州縣一切善後事宜現在會

同督臣熟商經理惟三土司地土頗廣輸納無多

自宜通行查丈以清

國課第從前田地類多土民瓜分耕種甘受土司苛

派並不按畝陞科相沿已久安之若素化導改革

似當以漸始為安妥前據原任桑植同知鐵顯祖

現任辰沅靖道王柔先後詳請清丈經臣會商督

臣及密詢該管文武皆以寬期為便除經密飭王

汝二人寬期之見極是原不必急行之事即不行丈量

柔暫緩丈量俟設官定制之後再行設法清丈外

殊批諭旨

空

王國棟

聞再桑植永順地方前偶有時疫自交八月以後疫氣
漸消人民現已平復又湖南各府早稻收成前已
奏明茲查中晚二稻收成計六七八九分不等現在
米價每石七八九錢不等合併奏支

聞謹

奏

知道了

湖南巡撫臣王國棟謹

奏為請

旨事竊查湖南各屬依山傍湖田地欺隱較之他省更

難查察現在屬員中之實力開導者固有而愚民
貪利始終欺隱者難保其必無若通行清丈苟不
得其人不得其法反致滋擾臣身任封疆又不能
親歷查察必得熟悉風土才具優長之員委令抽

丈數處懲治

魯之南巡察陞任廣西按察使臣張元懷道過長沙面

可知矣乃遠聽一面之詞深信不疑殊可謂迂疎之至

設不能正已率屬鼓舞各員令其奮勉奉公而於他省

尋覓熟悉一人資其辦事欺隱弊端素所熟悉臣雖未識

幾何即信張元懷之明慎不虛亦不當惟其言是聽無

懇

硃批諭旨

空

王國棟

乃信之太過歟且現任屬員之黜陟考成在爾若無術
聖恩可否將該員
使之感畏趨赴即魯之裕到楚亦不過如此而已何益
命來湖南量才委用如各屬詳報有無欺隱田糧之處
之有似此捨近求遠忘本逐末之舉或可不必大抵屬
員皆視上之信者與之商酌委員查丈或即令該員前
不能勸導俾其無欺則他省效力之員遇上司更易亦
必隨所遇而遷移其志如此則好員反為所悞寧不可
惜耶
浙奉

命巡撫湖南適該員告假回籍暫令隨至楚中再往豫
省數月以來該員諸事歷練勤慎無悞但係河工
效力太員近奉員中之實代開導清固亦而愚矣

諭旨查家道殷實艱窘之處理應回籍取結臣因其才
果係好員河工緊要不應請留若不過庸平之才又何
猷敏練暫留臣處以備臂指之用抑或將來於查
必請留汝等督撫似此違例奏請人員甚屬不協朕近
日有特頒諭旨爾一見自知矣
伏候

皇上批示欽遵謹

奏

但將現在屬員鼓舞勸懲使人人皆知奮勉循分盡職
此為根本良策若欲於他處旁求俊彥恐未必得遇出
眾之才而徒寒闔省屬員之心羣指所用之人為私人
所得不償所失矣

硃批諭旨

空

王國棟

湖南巡撫臣王國棟謹

奏爲覆

旨事雍正六年四月初三日接辰沅靖道王柔武昌封
發密稟內云職道於二月十四日面奉

上諭原任湖南辰州府知府遲熾貪贓不法歷辰州二
十餘年欺隱關稅贏餘銀十萬餘兩罰伊修城效力
伊乃不知愧悔感恩並不實心效力近訪此項欺隱
稅課銀兩係伊管事家人杜大杜二李大李二并管
關書辦張壽元張國寶等俱從中侵蝕其張壽元張
國寶現在住居辰州著巡撫王國棟查追欽此臣立

行按察使并飭辰州府知府密拏嚴訊去後茲據

辰州府詳稱已將張壽元張國寶密拏到案一面

將伊住宅家資點明封固交貯沅陵縣庫外卑府

隨嚴加究訊張壽元張國寶堅供壽元國寶雖係

遲熾端點管木稅不過算數掛號填票其稅銀有遲

三公子同內使李大查收壽元國寶等在關每木

一排止得銀五分爲衆人飯食紙筆之費此外毫

無侵肥亦並無窩隱遲熾財產之處嚴詰不移除

現封房產資物此外有無財產再飭沅陵縣詳查

另報等語臣以張壽元張國寶既於遲熾任內經

管關稅現在搜查家產無幾必有侵匿窩隱之處
未便任其狡賴復專委辰沅靖道王柔提犯審追
并密飭辰州常德二府遍加訪查毋致纖毫隱匿
俟王柔審明覆到另疏具題食錄筆之費此伏等
題爲此繕摺謹
奏
此事爾不親行審究而欲推諉於王柔希朕信而不疑
大謬矣朕不能信王柔如汝信張元懷之真切也
湖南巡撫臣王國棟謹
奏爲奏明驛站夫役事竊臣據驛鹽糧儲道楊秘詳

稱湖南各州縣驛額設夫役二千八百名奉部行
令裁減二百名又平清二衛共夫一百五十名歸
併黔省管理通省共存額夫二千四百四十五名
現今長養在站聽差但定例雖令長養查各州縣
驛實係臨時雇覓蓋差使之來原無一定一遇餉
鞘等項大差來到需用夫役動輒二三百名額夫
既不敷用差使又難遲悞若非平時酌省無項應
付所以湖南各州縣驛之有夫役者按夫之多寡
俱設立夫頭三四五名不等長養在站遇有差使
用夫若干名夫頭卽往四鄉臨時雇覓將平日不

長養之夫價以補大差之不足但既不長養則應付日少空曠日多額領銀兩不無贏餘侵蝕若徑行請裁恐額夫過少未免貽誤本道職司郵務若隱而不言難辭欺誑之罪今謬加酌議凡各州縣驛按季發給本道印冊一本凡有勘合火牌及定例當應付者將逐日應付過某項差使夫役若干給價若干一一填註冊內不使少有浮冒每季終令州縣齎送核查俟一年期滿通計應付夫役工食若干節省銀兩若干詳請題達庶錢糧可免侵蝕而驛務亦無廢弛等語到臣

臣查驛站夫役屢經九卿會議差使紛紜之處聽其照舊設立其偏僻驛遞酌量議減然均難裁汰奉

旨依議欽遵在案今據楊秘詳稱驛站夫役俱係臨期雇募乃湖南實在情形爲節省經費起見臣思額設夫役既屬虛名而夫役工食

國家錢糧所關豈容虛冒臣謹據實

奏明或照舊遵行或飭令該道試行一年看每年節省若干并有無誤公累民之處臣再行詳議具

題伏祈

睿鑒批示謹

奏

爾不能定之事請朕批示朕在數千里外從未身經目睹何可遽定其是否耶百凡總須秉公除私竭力辦理期當於理而已似此事事猶豫動輒請旨將來脫有貽誤至不妥協時豈欲以曾經請旨四字卸己之過乎於此觀之爲一身利害之念重爲國家效忠之志輕矣亟當改心易慮效法李衛田文鏡爲要失之毫釐則差之千里審之戒之

湖南巡撫臣王國棟謹

具奏爲奏

聞事湖南辰州府黔陽縣叅革知縣武弘登捏報老婦絹綿米肉折價銀兩俱無領狀一案有署黔陽縣事溆浦縣知縣吳大燁因不先行首出經臣附叅接准部咨革職但吳大燁居官聲名頗好據司道府俱稱該員才守兼優實爲辰屬第一好官臣查吳大燁係苗疆要缺吳大燁莅任四載並無重大案件則該員猶堪任使今以一眚革職殊屬可惜臣

仰體

皇上聖心爲人才難得起見伏懇

殊批諭旨

卷七

王國棟

皇上將原任溲浦縣知縣吳大燁

勅部行文令臣給咨赴部引

見棄瑕錄用自必感戴

聖恩勤慎供職或可收一得之效皆出自

皇上天恩又寶慶府新寧縣知縣張人崧爲人誠實謹

慎雖初任未經諳練而操守頗好甚得民心前因

盜案革職離任之日百姓奔走號呼如失父母今

蒙

皇上天恩令臣出具考語送部引

見倘蒙

聖鑒如其人尚可錄用請仍復補新寧則官民相安苗

疆要地甚有裨益矣理合一併

奏明伏惟

聖鑒謹

奏

照所奏已諭部矣保留人員若出於秉公爲國惜才誠屬美舉乃朕之所望於卿等者若涉於私交市恩不但於義不合且恐爲異日之累似此薦舉之員必須更加一番訪察少覺有不妥處切勿掩飾袒護如田文鏡李衛將所薦之人復行叅劾者不一而足汝當法之蓋人

原難保其始終不移也斷不可過於信人以自貽後悔
須慎爲之果能將好員一一獎勸保全其劣員不特貪
婪不法之輩卽庸平不及者亦皆一一叅黜則郡縣俱
慶得人矣郡縣得人汝等豈不稍省心力乎能若此天
下何患不治兆民何慮不安此一著認得真看得透必
秉公持正毫不爲一身是非毀譽計毅然而行之大臣
方能之朕於是乎倚賴焉勉之

湖南巡撫臣王國棟謹

奏爲請

旨事竊臣上年奉 諭以湖南巡撫臣王國棟奏請
湖南巡撫臣王國棟奏請

命自浙赴湖南任道經長沙所屬之湘潭縣見千艘雲
集四方商賈輻輳數里市鎮堆積貨物懋遷有無
居民櫛比而長沙係省會之區府城又逼臨湘江
乃環顧江干無船停泊者蓋因湘潭江形稍曲北
風勢緩而長沙江面旣寬北風勢緊又無小港可
以灣入猝然風起濤湧一時難禦沉溺漂沒者往
往而有此官民船隻不能停泊而商船亦多往湘
潭以舍湘潭無可棲泊處也卽如江西之湖口關
先設湖口縣江水浩瀚商人上稅停舟常遭風濤

皇恩移駐九江則人稱便焉臣謹按長沙北門外原有此河當再四詳慎考察因何淤塞至今不用若係日久不濬遂漸堙廢便極應行若恐引江水逼近或防大舟直抵舊開挖深濶可以多泊船隻誠為大便於民之事不究前不但往來官民船可以避險其駕小舟以謀生者料等費乃係細事不致飄泊風波而且商船四集來舉務須考之財用足通久遠庶幾行而不懈若因一時一之見或聽臣目擊地方情形而興工費財無項可抵奏效今據驛鹽糧儲道楊秘詳稱本道荷蒙皇上不次擢用由麗江府知府

楊秘可稱歷練老成祇慮其柔善邀譽見小取容非統簡調湖南糧道率屬員之器若其潔已自守則綽然有餘可再四勸導令伊茲法用文鏡李衛之行爲但似此老於世故積習成性頗難改易試畫汝心策勵之可也諭旨行令修築查本道衙門向有每年鹽規銀八千兩願以雍正五年現存銀八千兩並雍正六年所餘銀八千兩歲底彙齊共一萬六千兩作為修築堤工之用再查長沙為省會之地長江浩瀚竟無灣泊舟楫之所北門外有舊河一道俟雍正七年分

奏所餘八千兩解到之日可以開濬此河停泊船隻庶於地方民生不無小補其嗣後每年所餘八千

兩俱存貯道庫以充公用擬合詳請俯賜核奪
奏明臣見楊秘情詞懇摯以雍正五年分規為修堤
之用而以雍正七年分規開濬河道與臣見適合
今估計工銀約費一萬四千有奇但事關為民興
利似不可緩據臣愚見或於秋冬興工應否先於
司庫正項內動用開濬俟雍正七年該道歸公銀
抵補伏乞

皇上睿鑒批示施行謹

奏
覽
覽

湖南巡撫王國棟謹

奏為恭謝

天恩敬覆

諭旨事本年十月十九日臣家人齎回

硃批奏摺并蒙

恩賜哈密瓜一簍臣謹望

闕叩頭謝

恩祇領恭奉

皇上批發各摺臣當逐一欽遵次第辦理伏讀原奏扶

靈搖摺

硃批諭旨

主

王國棟

御批仰見我

皇上天地之大無所不容日月之明無所不照臣敢不
思無益加敬慎熟籌萬妥查扶靈徭捉人潛匿一案今
據永州鎮臣邊士偉咨及知府姜邵湘文報已於
九月二十日誘出兇徭蔣滔仔等十三人被捉之
周正翟許仔二人久經放回各徭既悔罪出審似
當懲治兇首寬其餘黨以廣齊回

皇仁至開闢六里一事辰沅靖道王柔於五月間恭捧
硃批奏摺令該督撫詳悉商酌而行臣業經面商督臣
邁柱現委鎮筵鎮臣周一德確勘如果開墾之後

可以裨益

國課緩靖苗疆萬全無患自當與督臣計議妥當
奏請

聖裁倘功效難必利害相半卽當與督臣商酌停止另
行會

奏又臣所

奏開挖引河一事擬動司庫公項今奉

旨辦理軍務需用正多自當分別緩急次第辦理請於
明歲秋冬舉行合併

奏明謹

硃批諭旨

圭

王國棟

奏

應辦理者亦不可畏難因循貽害養姦若好大喜功滋生事端又非所取也
湖南巡撫臣王國棟謹
奏爲敬覆

硃批諭旨事臣於九月二十六日同督臣邁柱提臣劉世明會審永州鎮臣楊國相在岳州舟次臣家人恭捧

奏摺到岳臣跪接開讀內臣奏驛站一摺奉有旨皇上硃批遵查此事經驛糧道楊秘通詳臣查閱前後

情節似屬可行但雍正三年內奉九卿會議有盡將人夫裁去現行僱募恐有累民悞差之事等語臣未敢冒昧具奏今蒙
題致干部駁是以摺

皇上訓誨周詳且近准部咨又令各省督撫將現在驛站情形詳議臣已檄飭司道公同酌妥卽行具

題又蒙

聖訓令臣效法田文鏡李衛二人欽此臣與田文鏡同事二載李衛同事亦將一年其居心行事臣所深

硃批諭旨

圭

王國棟

悉又仰見

皇上加恩二臣至優極渥臣蒙

皇上高厚委任之恩雖至愚極昧斷未有舍榮而就辱

者但恐臣才庸識闇或有智力不及之處伏懇

聖恩時加訓誨臣力雖不足而心實有餘惟有一刻不

敢間一事不敢懈一人不敢縱一字不敢欺殫竭

血誠以供職守而已臣臨

奏不勝悚息戰慄之至謹

奏

汝此任甚不及前二任或為智力所限或係改移心行

抑或被屬員之所愚而然均不可知要當竭力加勉不

欺不隱四字奉為指南

湖南巡撫王國棟謹

奏為敬覆

硃批諭旨事

批回奏摺至長沙

聖奏覆

旨一摺奉到

皇上硃批

聖恩擢用莅任一載有餘緣封疆任重夙夜兢兢惟以

硃批諭旨

誌

王國棟

聖恩仰體臣一種亦糾結謹言風交鼓辨以
聖心察吏安民爲務方且謹之又謹曷敢有改移心行
言一之處但臣才識庸愚力量淺薄誠如
聖明睿照至

聖諭所云當竭力加勉不欺不隱四字奉爲指南伏惟
皇上聰明睿哲天縱如神無隱不周無微不燭固非臣
下所得而欺而臣質本凡陋遭際

聖明亦惟以拳拳之念區區之誠上事
君父實無一事敢蹈欺隱者今蒙

聖慈訓諭臣惟有益加謹凜敬錄

聖訓銘諸座右朝夕瞻仰如對斜寸寸口神也遺東
天顏咫尺而已臣不勝戰慄恐懼之至謹六率藝合帶

奏

巡撫一官原極繁難非勉能清慎勤三字便可謂勝任
也用人雖不求備惟至督撫必須全才方不有所貽悞
若無包羅通省之襟懷統馭羣僚之器量卽爲不稱厥
職凡事當務大者遠者若只思就區區目前支吾以盡
職任而已未有不顧此失彼跋前疐後者當努力勉一
大字

湖南巡撫臣王國棟謹

奏為奏

聞事竊照永州府寧遠縣失主荆之寶案內盜首七十
七糾率匪類為害地方斷難輕縱臣欽遵

諭旨歷次移行嚴緝復大張曉諭凡能緝獲本犯者除

已經懸賞外臣又另懸重賞分委幹員往粵協緝

去後茲於十一月二十二日據永州府寧遠縣報

稱本月十五日接江華縣錦田司巡檢毛峻德自

廣東廣州府稟稱盜首七十七已於十月二十六

日會同四會縣把總典史在廣寧地方拏獲令帶

去認識之莫祥九認明的係七十七已解赴廣東

督臣衙門查訊等因轉報到臣除經飛咨廣東督

臣孔毓珣速將該犯嚴押來楚質誠是查確係盜

專首另行請飭嚴業詳查匪類等因於此

旨正法外所有據報已獲盜首緣由理合具摺奏

聞謹當宣慰外特備愚只

皇奏

聞各案業經捕獲之盜多致逃脫且有越獄而逸者是

何理耶獲而復脫何如不捕似此徒貽笑於隣省耳

湖南巡撫臣王國棟謹

奏為敬覆

殊批諭旨

庚

王國棟

訓旨事本年十一月二十六日刑部左侍郎署吏部尚
書事溘梳奕祿奉勅

命至長沙臣謹跪請
聖安杭奕祿隨口宣
皇主訓旨爾至湖南問王國棟伊在湖南一兩年如果
時常宣揚德化曉諭愚民如何有此等百姓想河南
必無此事令伊從此以後勉力改過自新留心地方
事務不時曉諭愚蒙稽查匪類等因欽此臣跪聆之
下悚慚無地伏念臣本愚賤謬任封疆楚南刁悍
習俗久荷查陪善因轉辭臣到任派容勸東督

聖明洞鑒今乃有大逆不道之會靜張熙出臣屬下臣
莅任一載有餘既不能化導於先又不能覺察於
後負職之罪百喙難辭乃蒙我

皇上不加譴責格外優容復

諭旨部臣勉臣改過

天恩如此之高厚

訓誨如此其諄切臣惟有時刻凜遵

天語一念不敢懈弛一事不敢姑息殫心竭力化導整

頓以期仰報

殊恩於萬一耳除會訊逆賊供情及分咨各省提犯緣

由另行公同陳奏外所有微臣恭領
訓旨私心感激下情理合具摺謹

奏

身為大吏凡事當務遠大二字若不急所當務往往捨
大圖細而不知所貽悞者廣矣勉為之

刑部左侍郎臣杭奕祿副都統臣海蘭湖南巡撫

臣王國棟謹

奏為恭報會訊逆賊供情并

呈逆書底稿仰祈

睿鑒事竊臣杭奕祿於十一月初三日奉

命出京至二十六日抵長沙府城恭述我
皇上天地之量堯舜之仁不以逆賊狂言少介

聖意并

命臣等平心靜氣窮究邪說所由來開導癡愚所未喻

務使折服認罪臣海蘭臣王國棟恭聆之下仰頌

聖德之淵涵益憤逆徒之妄誕臣等於長沙撫臣內署

提出曾靜將

聖天子孝敬慈惠恭儉文明與夫勵精圖治之實心愛

養斯民之實政逐一開示宣揚該犯諦聽良久乃

俯首認罪據云靜生居天未日坐井中造言誹謗

殊批諭旨

夫

王國棟

罪大惡極痛哭流涕叩頭不已臣等見其醉醒夢
覺然後將逆書所載逐條追究該犯茫無所指非
望天云齊東之語卽云臆度之私詰問再四毫無風影
當給紙筆令該犯寫供謹將親筆供單進呈

御覽臣杭奕祿又會同追究其同謀黨羽據該犯堅供
當日遣張熙前去實係獨得之祕毅然而行旣非
他人所能參贊亦不屑與聞於人且自以爲成固
望意有利止亦無害故知幾錄內諄囑張熙一路訪問
皇上如所聞與在家所傳不合卽便回來另作主意不
命出可輕舉原非預有邀約謀定後行實無同黨有書

可證等語臣等會訊續獲之寧遠縣教諭劉之珩
陳立安併書內查出之曹珏廖易卽景叔等皆供
不知投書情事卽質之曾靜亦云伊等實不知情
伏查逆賊曾靜卽夏靚生於山野不明大義因考
試五等遂喪心病狂借前人道學之皮毛以行其
無父無君之邪說復敢誣謗

聖主捏造逆書遣徒張熙卽張倬又字敬卿帶同張勤
卽實安齋往陝西希圖誘惑大臣濟其大逆誠爲
罪惡滔天神人共憤臣等恪遵

訓旨平心細詢該犯自知誣妄不待刑加叩首伏辜雖

臨旨悔罪出於天良似類有苗之格而下民敢於罔上
難逃大逆之誅宜置極刑以彰

國法同謀之張熙知情之張勘張新華以及緣坐人
聖主等律有明條均難輕縱至於曾靜行止乖張久爲
鄉黨所不齒被其蠱惑信從者止有張熙等一二
門人臣等細行查訪此外實無同夥黨羽其逆書
所載譙中翼嚴廢臣沈在寬車鼎豐車鼎賁孫克
用并書內查出毛儀施虹玉等據該犯堅稱皆係
背地推崇並未謀面之人等語臣等查閱知新錄
知幾錄內所載各條原無與衆人商謀字樣似非

全出狡飾再從前曾靜遣張熙往浙江訪求呂晚
村書時曾見呂晚村第九子呂無盡得伊綱目凡
例未發之蘊或彼此有所商謀亦未可定臣等現
在行提併要備忘錄呂子文集及綱目凡例未發
奏之蘊以便查閱所有曾靜逆書底稿及祭祖文稿
臣等謹公同封進仍望

皇上卽賜發回容臣等細按追問以免遺漏除現在會
咨陝西江蘇浙江三省督臣提拏逆賊張熙并逆
書內一應有名人等到案質明另行分別律擬
奏請外所有臣杭奕祿到長沙會訊緣由及逆賊曾

奏靜供單并搜出曾靜大逆書三冊又所著小學開
蒙一冊扇一柄對聯一紙劉之珩書二冊譙中翼
詩稿一紙理合另匣一併奏呈
皇呈伏祈
睿鑒謹
奏之藍以
覽逆犯之供單更屬可笑人也另有諭旨從部頒發遵
諭將一起逆黨押解來京可也
路寬其束縛毋使驚
懼江浙逆犯已解到部俟其到齊
湖南巡撫臣王國棟謹
奏

奏爲奏明事竊查湖南辰州府鹽木二項落地稅銀
向係知府監收每年額徵銀二千四百餘兩經前
撫臣布蘭泰訪知所收加倍復據該府通判蔣燾
稟稱約有羨額六千餘兩行據該府知府汪立名
詳稱止收過贏餘銀三千五百餘兩隨
題請暫委蔣燾監收後因蔣燾不將伊署府任內收
過贏餘銀一千二百兩據實報出復
題請改委陞任乾州同知王柔監收以定稅額臣查
辰州府徵收鹽木二稅向無部頒定則如鹽稅一
項每包徵銀一釐六毫而木稅一項則計價輸納

查汪立名詳稱伊任內悉照院司詳批定案如杉木圍圓六尺者作價銀四兩五錢每銀一兩收稅銀三分其松木槩不收稅而王柔當日亦曾查題請改委監收之後另定科則將杉木圍圓六尺者照作價銀五十八兩每兩收稅三分松木又一例徵收據稱照現在採買解部木植定價徵收有減無增而較之從前已多數倍又值雍正五年夏秋水發木解絡繹而下所以一年之內收過正額贏餘共銀九千三百餘兩然王柔亦不敢卽以此爲定額仍請再收一二年照河水大小以定該年稅銀

之多寡經臣

題明准有部覆在案惟是該府木稅祇因向無部頒定則是以各任徵收例不畫一稅則懸殊難以遵守前布政司朱綱任內曾經具詳前撫臣布蘭泰咨請工部頒發則例續准部覆以辰州府鹽木稅銀作何徵收該撫從前並未報明本部其應照何例徵收之處無憑定議等因咨覆在案臣思同一六尺圍圓木植而汪立名照從前詳案作價銀四兩五錢每兩收稅三分王柔作價銀五十八兩亦每兩收稅三分未知各省木稅作何徵收自應酌

定稅則頒發徵收庶商民不致偏累而可永遠遵
循除現將汪立名王柔各任內徵收木稅款項造
冊咨部酌定則例頒發徵收外相應

奏明伏祈

皇上睿鑒謹

奏

據奏則汪立名之欺隱王柔之實心任事已歷歷可見
矣今不待王柔徵收一二年後試準確數而遽請定則
例該部自必仍以無憑定議爲辭似此空文往來查行
朕實不解且若部中竟議定汝等必不能足之數頒行

到彼則又當作何徵收耶殊屬昏謬之至

奏鑒湖南巡撫臣王國棟謹

奏爲奏明事竊查茶陵州知州王克修年力強幹辦
課事有才因賦性褊急用刑過嚴地方甚有怨聲但

伊自雍正四年十月任事能將接徵康熙五十九
年起以及雍正元二三四等年積欠錢糧全數催
完本任經徵雍正五六年錢糧亦俱通完無欠
實有可取使能悛改性情卽爲循吏亟查岳州府
慈利縣知縣陳采先經

會奏請調補城步縣要缺已蒙

殊批諭旨

三

王國棟

俞允在案所遺員缺雖稍簡於城步亦屬苗疆例應揀
補且該縣尚有歷年積欠錢糧正須清理今王克
修催徵積欠已有成效請卽以王克修調補慈利
以知州管知縣事仍照原銜陞轉並嚴加教導使
之恪慎供職倘該員調任後仍前任任性重刑一有
劣蹟並卽據實糾參除會同督臣邁柱另疏具
題調補外合先封函懇用仰嚴勸勉之甚爲感荷因
奏明伏乞 聖鑒 奏明伏乞 聖鑒 奏明伏乞 聖鑒
睿鑒謹 奏

王克修旣如此催科有術因公任怨則嚴刑之論更當
詳察今若調任慈利經徵積欠又不容其嚴厲則是繫
其足而使之趨也如此刻待屬吏恐將來湖南無一實
心任事之員矣此人不可仍留汝屬下候朕調來另用

刑部左侍郎臣杭奕祿副都統臣海蘭湖南巡撫
臣王國棟謹

奏爲請

旨事雍正六年十二月初八日臣等將會審逆賊曾靜
親筆供單及逆書稿本業經會摺進呈

御覽其逆賊張熙并供犯嚴廢臣車鼎豐等亦經飛咨

硃批諭旨

臣

王國棟

陝西江南浙江督臣分提去後雍正六年十二月二十八日准陝西督臣岳鍾琪咨稱訊據張熙供毛儀係寶雞縣貢生前曾路過他家他已故五六年了等語現在差查如毛儀果故卽當移解張熙聽審合先咨覆等因本年正月初七日准浙江督臣李衛咨稱此案先奉 旨隨將嚴廢臣沈在寬已故呂晚村之第九子呂毅中第四子呂黃中長孫呂懿曆密提到案嚴訊確供委官李國正等於十一月初六日管押起程解赴刑部投收訖其備忘錄呂子文集并別項書籍

實俱經兩次固封具摺進 呈并將呂留良家現存書目抄冊同送在案相應粘抄供單咨覆等因該 雖據曾靜堅稱嚴廢臣等並不知情但必得對質嚴訊始可完結相應會摺 奏請伏乞

皇上敕部將嚴廢臣等押發來楚與曾靜張熙等三面質明另容 等按供律擬請旨定奪至供犯車鼎豐等據差役回稱江南督 旨定奪至供犯車鼎豐等據差役回稱江南督

旨宣釋已經遣員解來於正月二十外可到合併奏
聞謹
皇奏
已有旨令汝等押帶各犯來京矣

湖廣總督臣邁柱湖南巡撫臣王國棟謹

奏為欽奉
上諭事竊臣等奉

上諭各省官員養廉著各省督撫悉心商酌司道等官
既有養廉何得仍收屬員陋規令督撫
嚴查據
實陳奏等因欽此隨檄布按兩司移行道府州縣一

體欽遵如有私收餽送規禮據實詳報尚有未分
給養廉之員一并議詳去後茲據布按二司詳稱
准驛糧衡永岳常辰沅各道回移并長靖等九府
詳稱湖南司道府州縣各官自雍正元年將額徵
錢糧耗羨分給養廉之後一切陋規革除殆盡實
無餽送私收情弊今又蒙

皇上令將通省耗羨計算均分又將雜稅贏餘添入給
與敢不凜遵

功令益勵清操惟司道府首領及州縣佐雜等官尚
未給有養廉等情前來臣等又細加體訪邇來司

道府並不敢違例受賄而州縣亦不敢私行餽送
實無陽奉陰違之事倘有營私壞法不肖之員
等並經察實立即叅劾至湖南雜職各官向無養
廉但此等微員專供差遣俸薪無幾實不敷用
等推廣

皇仁行據布政司趙城將糧道楊秘報出每年充公鹽
規銀八千兩除各府州縣教職并驛丞等官從無
差遣自有額俸用度無庸酌給外其餘司道府之
首領各官及州縣佐貳吏目典史巡檢等官似應
按照品級酌給養廉今議得分給雜職各官共銀

四千九百兩尚餘銀三千一百兩查永保桑三司
改土爲流現已詳請具請

題設立州縣佐雜等官將來亦需養廉應預爲酌派
今議得新設各員共分給銀三千五百八十兩不
敷銀四百八十兩應於另摺均派司道府州縣等
官養廉餘銀內動支湊給除飭布政司自本年爲
始遵

旨一面辦理外相應會摺奏

聞伏乞

皇上睿鑒謹

硃批諭旨

全七

王國棟

皇奏

似此之奏朕不過一覽而已從不批諭是非當否也直省皆然總在爾等督撫自爲酌行

湖廣總督臣邁柱湖南巡撫臣王國棟謹

奏爲欽奉

上諭事雍正六年十二月准戶部咨開臣等字內開奉十兩小上諭又准兵部遞到和碩怡親王等字內開奉十兩小上諭爲湖廣官員養廉等因各到臣欽此臣隨即轉行布政司欽遵並通飭查報曉諭去後該臣等查得湖南各官養廉經前督臣楊宗仁將通省地丁錢

糧每兩收耗一錢內以三分解司公用七分給司道府養廉在案但額徵多寡懸殊其中不無偏枯茲荷

聖明洞鑒令將通省耗羨計算均勻分給又將各府雜稅項下報出贏餘銀兩添入給與

聖恩優渥亘古未有今臣等查湖南通省額徵地丁錢

糧加費耗羨共銀一十一萬七千九百五十二兩

零內除三分公用銀三萬五千三百八十五兩仍

應留貯司庫外實耗羨銀八萬二千五百六十六

兩零又常辰二府報出帶徵商稅贏餘銀七千五

百兩又常寧武岡等十一州縣徵收雜稅項下欽
遵旨報出贏餘并鹽規銀二千四十七兩零又巴陵等
五縣實徵蘆課耗羨銀一百五兩零以上通共耗
羨贏餘銀九萬二千二百二十三兩零應按照職
官大小事務繁簡均給養廉酌派布政司銀九千
兩按察司銀七千兩驛糧道銀四千兩衡永岳常
辰沅三道各銀一千七百兩長沙府銀二千五百
兩衡岳二府各銀一千九百兩永寶常辰四府各
銀一千七百兩郴州各銀一千五百兩長沙

等八州縣事繁地衝各銀一千二百兩湘陰等十
州縣係屬次繁各銀一千兩醴陵等十五州縣係
少簡之缺各銀九百兩安化等二十九州縣係最
簡之缺各銀六百兩以上司道府州縣共分給養
廉銀九萬一千三百兩尚餘銀九百二十三兩零
查湖廣巡察往來湖北湖南地方遼濶費用繁多
除湖北另行議給養廉外茲湖南議給養廉銀四
百兩卽從前項餘銀內動支尚餘銀五百二十三
兩零查永保桑三司業已改土爲流現今議設府
縣雜職等官將來亦需養廉及司道府首領併州

縣佐雜等官一并酌派另摺奏
聞再湖南同知通判養廉等先經
奏請在於鹽規銀內支給合併陳明伏乞
睿鑒謹
奏查
朕意仍同前諭汝等料理此事不可言已奏過三字亦
不可言奉旨二字但令通省屬員心服首肯將來不令
接任者檢點則是矣若徒取快一時任意草率分派目
今聲名日後身家係焉公慎爲之至於地方事務雖有
繁簡之分而薪水之資未必有多寡之異似此大相懸

殊或留爲訓繁調簡地步以便高下其手之意朕因未
悉地方情形不能無此一疑耳

湖廣總督臣邁柱湖南巡撫臣王國棟謹

奏爲奏明事據岳州營叅將稟稱華容縣地方於本
年三月十一日風雹驟至城內城外兵民草房吹
倒數百間並未傷損人口其祠宇衙署塘房亦被
刮損田園菜麥間有損壞大約橫計四五里直抵
湖北之石首縣交界五六十里等情又據華容縣
詳報前來臣等隨行布政司飛飭該地方官將田
園菜麥兵民草房以及祠宇等項傷損之處逐一

確勘明白仰體

皇仁酌動公項銀兩飭令分別賑恤修葺外理合據實
奏明謹

奏

觀汝等封疆大吏之伎倆再加以曾靜輩之百姓地方
上自應有此災異原不足爲怪也

湖南巡撫臣王國棟謹

奏爲遵

旨丈勘復則田畝限內報竣仰祈

睿鑒事竊查湖南長沙衡州辰州各府屬之攸縣安仁

鄱縣沅陵辰谿黔陽等六縣未經復則田畝經前

署撫臣布蘭泰十八兩零熟田畝米共二百六十

題請荒熟併丈臣於雍正五年八月內到任後接准

部咨奉

旨交臣同布政使趙城悉心辦理揀選賢能諳練之員

將六縣荒熟田畝限二年內併丈勘報竣仰見

皇上慎重田賦務期均平至意臣隨行司遴委能員分

往各縣秉公實力詳細查丈去後旋據布政司趙

城詳據原任安鄉知縣趙琳原勘官署黔陽知縣

吳大燁前往沅陵長谿黔陽三縣查勘隨據三縣

士庶俱踴躍急公情願復則查明復則田地共應
科徵銀五千九百九兩零請於雍正六年起徵造
具冊結詳報經臣核

題在案又據該司詳准原任衡永道徐聚倫咨稱帶
同委員原任安鄉知縣趙琳調任江華知縣鄭鼎
自交勲并署安仁知縣段一驤原任澧州知州黃炎并
鄱縣知縣劉朝佑分勘安仁鄱縣田畝隨據二縣
士民俱感悟自首安仁丈出復則田地應科徵銀
共四千六百五十八兩零應科徵米共二百六十
五石零鄱縣勘明全復原則應科徵銀共二千四

百四十五兩零又丈出溢額田地應科徵銀共一
百八十六兩零均請於雍正七年陞科造具冊結
詳報亦經臣核

題在案又據該司詳據衡州知府陳沆詳稱帶同委
員原任醴陵知縣袁振緒并現任攸縣知縣陳文
言查勘該縣田畝隨據里民歡呼踴躍情願陞科
丈出復則田地應科徵銀共三千四十九兩零應
望恩科徵米共一千七百三十八石零請於雍正七年
起徵造具冊結詳報臣現在核確具

題以上沅陵等六縣丈出復則田地通共應科徵銀

銀一萬五千四百三十九兩零應科徵米二千四石
零此皆仰賴蘇精辦具

聖恩寬大准予自首免罪小民俱感悟踴躍樂於輸將
各委員亦能殫心清釐均於限內報竣理合具摺

奏查湖南各州縣山塘湖澗里只塘等項開墾熟地

聞謹具摺具奏伏乞 聖鑒訓示謹奏

奏 奉 聖 旨 著 該 部 知道 欽 此

朕嘉悅覽焉似此實心任事之員當察列等差援乞題
請議敘以示鼓勵

湖南巡撫臣王國棟謹益醴田此熟地開墾共一

聖奏為敬覆聖上 諭旨事

臣謹跪讀

皇上硃批 臣會奏酌派養廉摺內

諭旨仰見

聖訓至明至當勉 臣辦理務要均平可使永遠遵守弗

致日後更張 臣雖至愚敢不矢公矢慎查南省各

屬州縣向來所得耗羨多者或至一二千金少者

或止二三百金原屬偏枯不均前荷

聖明洞鑒令將通省耗羨計算均勻分給 臣與督臣邁

柱布政使趙城公同分別衝僻酌量繁簡總期多

硃批諭旨

三

王國棟

者不致糜費少者不致掣肘凡係事繁賦重之地
望地方州縣各官幕友家丁必須多人一切費用自倍
於簡僻地方則養廉不得不量爲加多然已減於
從前所給之數其餘稍繁稍簡最簡地方在州縣
各官調度既易費用亦省因之酌盈劑虛均勻派
給今計最簡州縣所派養廉較諸最繁州縣其數
誠如

聖諭大相懸殊若比諸向來所得二三百金已加至倍
實可搏節足用臣惟凜遵
聖訓殫心料理不敢稍有草率以負

皇上體恤臣工至意爲此具摺

奏覆謹

奏

前諭甚明朕實不深悉外任情形總期汝等秉公合宜
料理妥協務使永遠可遵可守還朕一是字而已

湖南巡撫臣王國棟謹

奏爲苗疆務在得人懇留賢員以策後效事竊惟楚
南十省州縣半屬苗疆必須熟諳廉幹之員方可
遴選補授而現今准改爲流之永順保靖桑植各
土司經督臣邁柱會同臣酌議分設四縣管轄料

理

題明在案此等地方乃係新附苗疆非曾經熟悉苗情土俗潔已勤公之員斷難勝任今查得湖南衡州府屬之臨武六邑地屬苗疆訪知原任知縣趙侗敦居官數載頗有聲名苗夷情形俱經諳曉實係廉介勤慎之員茲因該員失察前任知縣卜瑗冒銷老民老婦銀兩一案奉文革職又欽奉

恩旨著臣出具考語送部引

見臣思地方緊要人材難得仰懇

聖恩俟該員赴部引

見後倘蒙

聖鑒以該員尚可錄用仍請發回楚省聽臣以新設之縣酌量補授該員亦必感激思奮益圖報稱庶要地收得人之效矣理合奏

聞伏乞

睿鑒批示遵行謹奏

引見時候朕審觀其人而酌用之至於汝之鑒別殊難聽信也

湖南巡撫臣王國棟謹

殊批諭旨

奎

王國棟

奏為奏

聞事竊臣接到怡親王及大學士等寄字有原任施州
衛千總王倬因改衛為縣裁缺另補今王倬並未
奏到部或仍留在楚亦未可定巡撫可即密行查訪
倘王倬尚在楚省即密行解送來京以與曾靜有
對質之事等語臣遵即差人確訪查拏一面密札
督臣在武昌省城密緝去後茲准督臣邁柱在武
昌城內拏獲該弁委員押解前來除經起具文批
望鑒差巡檢毛峻德將王倬犯押解刑部查收外理
具對合具摺奏

聞謹京外恭錄二卷亦繪論錄入部宗實為論吏
奏至聖至即無嫌不朋引證端愚和實世謝對至王
此人緝獲可嘉曾靜所供一事辦理甚屬糊塗有旨交
怡親王大學士等轉發

湖南巡撫臣王國棟謹

奏為敬覆

硃批諭旨事竊臣家人恭捧
批回奏摺到長沙臣隨跪接開讀內奏

聞辰關木稅一摺並調補王克修一摺俱奉有
皇上硃批臣遵查辰關木稅原無定則自王柔監收以

硃批諭旨

癸

王國棟

皇上來現在照買木價值定則徵收而商民狃於積習
不無物議王柔於正月上省時力言今歲不願接
管臣面諭方今
聖明在上但當竭力辦理如以人言爲疑現今藩司商
酌具詳請將前後收稅情形咨部王柔始言如果
咨部永定章程則今歲情願接管是以臣據詳咨
部併具摺

奏明茲蒙

訓旨至聖至明無微不至臣智識愚昧實切慚惶至王
間克修莅任二載有餘能將積欠清完實爲能吏但

士民有以故入人罪控者有以多收火耗控者臣
因其致怨有由又因其才有可用仰體

皇上愛惜人材至意委曲保全嗣因慈利縣係苗疆要
缺且有積欠一時不得其人臣與布政使趙城共
商將該員

題請調補并將地方怨咨之情上達

天聽臣受

恩深重總期事無欺隱據實陳奏今蒙

天恩切加訓誨臣惟凜遵

聖諭刻骨銘心以勉供職守而已爲此繕摺

殊批諭旨

在

王國棟

聖奏覆謹

奏

朕乏神仙技術豈能探微索隱不過據汝等所奏衡情酌理而已諸凡如欲據實不欺卽當盡情剖露一字不隱若不欲據實則仍循故套含糊支吾可也何乃半吞半吐令朕會意於章奏之外及至降旨嗾責始將所餘一半情由陳奏從而巧爲支飾是則朕之過舉實係汝等有以陷成之也據汝前奏王克修朕之批諭便與天下人公看公論朕實無過

湖南巡撫臣王國棟謹

奏爲奏明事竊查原任辰沅靖道張楸前在長沙府

及署岳州府任內分賠長沙等縣虧空並張聖弼

等開欠各項共銀一萬三千二百餘兩穀二千石

零先後准到部咨俱經飭行催追立限嚴比據張

楸呈稱奉追銀穀自應遵限完補但楸先因分賠

茶陵善化等州縣虧空以及王之樞許夫定等開

欠之項已將原籍產業盡行變賣完公業奉移咨

本籍搜查家產盡絕出結在案今各案分賠開欠

萬難補苴惟有從前各省官員借欠張楸銀兩及

張楸賣出田房可以找價銀兩并審明張楸兩共情

題定原任巡撫王之樞名下應追還抵項銀兩共計
銀兩萬七千六百二十七兩俱有借約印契及書
札并審案可據並非假捏雖蒙分咨查追但隔省
延挨亟請派員查業盡行變賣宗人業奉旨咨
題追等情臣查張懋名不應完銀穀雖非本身虧空
然分賠等項均關自願數則宗辭因村因令領
國帑當卽照原呈所開分咨直隸河南江西廣東湖
北等省查追隨批司確查茲據布政司趙城查覆
張懋名項已據各該省咨覆欠銀人員俱已自具
奏認呈等因原任巡撫王之樞亦已自行招認其所

開各項似非假捏但隔省咨查恐致遲誤臣先據
實

奏明一面另行具

題請

敕各該員人等任所原籍查追完補庶

國帑不致久懸謹

奏

其秉公實力辦理若互相推卸延捱亦斷不能逃朕覺
察也

湖南巡撫臣王國棟謹

奏爲奏

聞事臣因貴州現在勦撫生苗竊慮苗中暗通信息屢經密札鎮道整飭兵馬嚴加防範續據鎮筵鎮臣周一德覆稱十二月十一日親歷各汛遊巡查所屬三岔坪兇苗吳老賞同伊子吳普六等及雀兒寨兇苗石老虎偷盜拏人黨串窩盜復因苗頭吳老四欠伊銀兩擅將乾州左營兵丁齊國俊捉白抵黑萬難寬縱現委該營守備陳友設法勦除等情又據鎮臣周一德札稱雍正七年正月十二日守備陳友同鳳凰營通判白豐押同百戶吳貴三

苗目吳老四等帶領兵役前往協緝詎吳老賞等藏匿雀兒寨石老虎家膽敢操戈拒捕戮傷苗目吳老四右手吳貴三等當將吳老賞吳老元石老虎三兇殺死又生擒吳普六吳老滿二名各寨頑苗見渠魁不保首領共生長懼等情并據通判白豐稟同前由伏查兇苗拒捕誠爲罪不可逭今見首惡就戮咸知警畏臣又密札本管文武宣布皇上德威相機撫戢固不可喜功生事亦不可釀惡長姦務期剪惡安良以靖苗疆以弘

聖化除在事百戶苗目人等經鎮臣分賞牛酒花紅銀

聖外牌外理合具摺奏

聞謹

奏

如欲清釐楚省此等事件非邁柱王國棟輩督撫之所
能諸凡當量己之才力而爲之不可因見有猷有爲之
人整理得法遂爾起心欣羨勉強效顰也并請

湖南巡撫臣王國棟謹

奏爲奏明事竊查辰沅靖道王柔盤獲江西流民許

英賢等經臣具摺奏

聞並將湖南查無朱文先等藏匿南岳及王柔續獲許

世基等各情由奏陳

天聽茲准署江西撫臣張坦麟密咨內稱行據廣信府

貴溪縣前往上清宮公同署真人張慶麟逐戶挨

查並無張易珍其人止有遠族張翼軫生平訓蒙

餬口不與外人往來訊據鄰佑僉供並無爲匪情

弊又據南康府行據建昌縣確查江自得劉惟和

劉冠祿並無其人江東榮江東號原往雲南行醫

已於丙午年身故許世基許世朝俱往湖廣行醫

其許世堂許世胄許世龍盧士奇出外未回並拘

獲生員李次文許英賢之父許有儀許世基之父

許冠瑞代許世基帶回銀信之許英資代許世朝帶銀之許冠祿及收世朝寄銀之許世治又據南昌府奉新縣拘獲張子明并稱所開何黃道住三溪橋係建昌縣所轄今查亦無其人又據九江府行據德化縣遍查並無朱文先名目經該撫張坦麟及司道公同嚴訊張翼軫李次文張子明許有儀等口供取其署真人張慶麟及各府縣送到印甘各結前來臣查閱江西撫臣來咨各供與許英賢在臣案下所供相符似非捏飾查許英賢假天師捨藥名色騙人財物自非善良但既已查明

並無謀爲不軌情事似可無庸具

題俟雲南督臣鄂爾泰查覆江自得虛實覆到之日

臣卽將現獲各犯咨解江西撫臣衙門飭發各原籍地方安插收管其爲首哄騙之許英賢仍聽撫臣張坦麟酌擬發落完結所有准據江西撫臣查覆緣由合先具摺奏

聞謹

奏

此一件小事何必如此屢屢煩瀆總之根本立心處祇爲己私起見所以枝葉發出一言一事非過則不及也

硃批諭旨

王國棟

湖南巡撫臣王國棟謹

奏為奏

聞事竊查湖南各府州自春至夏雨俱霑足惟常德一府及岳州西屬雨尚未足後於五月初旬各處俱大霑甘霖插蒔之後禾苗暢茂五月內暨六月初旬雨澤均沾將來再沛甘霖則中晚二稻可望秋收今早稻秀實收成頗好俟各屬報齊分數再行

奏聞又辰州協副將李國采稟報永順王村地方於五月

二十五日未時有風雹一陣揭損民間草房臣現

在行令地方官確查輕重應賑恤者即動公項賑恤理合一併附

奏伏乞

睿鑒謹

奏

覽

俟秋收後方可言必也惟當加勉誠敬以待之

湖南巡撫臣王國棟謹

皇奏為欽奉

諭旨事本年五月二十日湖南觀風整俗使臣李徽至

殊批諭旨

五

王國棟

皇上諭旨王國棟前任浙江觀風整俗使爾到湖南可諸事問伊即云是朕如此傳諭又爾與王國棟兩人辦理地方事務當一心一意如同一人等因欽此臣跪聆之下感激無地臣前奉

命赴浙荷蒙

皇上諄切指示俾臣得有所遵循又與督臣李衛共事同心協力罔敢隕越今臣謬膺封疆屢叨

聖慈詳加訓誨奈因南省民風習成刁悍臣實才識短淺亦嘗加意曉諭而勸化未徧亦嘗竭力稽查而

耳目未周仰賴

聖明特簡李徽昇以觀風整俗重任並

諭臣等一心辦理臣隨將浙江觀風任內所有臣自行

辦理并與督臣公共辦理各事務及湖南地方情形與臣現在料理之處備細告知從此恪遵

聖諭協力同心整齊化導務期人心和厚姦慝潛消以仰副

聖天子化民成俗之至意為此繕摺謹

奏

朕用李徽取伊具有一片良心至於其才其能不必問

殊批諭旨

高

王國棟

者甚與此任相宜彼此互相協助爲之

湖南巡撫臣王國棟謹

聖奏爲敬覆

硃批諭旨事竊臣家人恭捧

聖奏摺到長沙臣跪迎開讀內敬覆

諭旨一摺并奏明許英賢一摺俱奉有

硃批伏念臣愚無知識荷蒙

聖恩深厚委任封疆夙夜兢兢時憂舛誤王克修一事

臣前摺所

奏原未詳悉許英賢一事本屬小事訛傳臣又將江

西撫張坦麟咨覆緣由復行陳

奏此皆臣智識短淺辦理實未妥協茲蒙

皇上高厚之恩詳加訓飭臣跪捧

硃批反覆尋繹無地自容悚惶既深感激尤切惟有小

心惕厲殫慮竭誠以求無負

聖訓而已臣無任戰慄惶恐之至謹具

奏

但務本莫逐末如田文鏡等皆因根源清潔所以枝流

邊無往而非是遂有得心應手之效若捨本求末譬如

入海算沙何有窮盡耶

硃批諭旨

夏

王國棟

入湖南巡撫臣王國棟謹

奏爲奏

聞事雍正七年六月初十日准兵部火票遞到和碩怡親王等寄字內開據逆賊曾靜供稱記出有兩箇望心偶爾傳言的人一是安仁縣生員姓名何名忠立曾說他聽聞有箇茶陵州人姓陳字帝錫傳說朝中有人上議無此自容東朝拜於大世世小皇上多條又永興縣十八都有箇醫生姓陳字象侯也夫說他在一處人家行醫聽得人說茶陵州有箇堪輿姓陳字帝錫口傳有箇本章諫議

皇上那止本的臣子姓岳名鍾琪等語巡撫可密將安仁縣生員何名忠立永興縣醫生陳象侯茶陵州堪輿陳帝錫行提到省細訊何名忠立陳象侯伊等向曾靜如何說并問陳帝錫所傳之語本於何處伊等若承認直供則將伊供出之人一面奏聞一面提問如伊等不肯承認巡撫可委曲開導伊等猶不實供則用刑訊刑訊若仍不得實著將何名忠立等解京與曾靜對質又曾靜供所傳收密親王妃嬪等語是雍正五年五六月內往來路上人傳說衡州路上押解一箇犯官過如此說等語巡撫

可密行查訪五年五六月間何犯過衡查明一併具奏且將五六月間過衡人犯姓名密行知會廣西巡撫等因到臣隨分差標員密檄各州縣逐一查提先據永興縣獲解醫生陳象侯到臣取有該犯親供並供出武生何獻圖臣卽密行拘提去後又據安仁縣獲解生員何立忠卽忠立并獲解供出之何獻圖茶陵州獲解堪輿陳帝西卽陳帝錫各到臣亦俱取有該犯等親供又據陳帝西供出何獻圖妹夫張繼堯據供若提到張繼堯情願與他對來等語臣查逆賊曾靜在京所供陳象侯何

立忠傳聞之言均出堪輿陳帝西之口及訊現犯何立忠及供出之何獻圖亦俱稱陳帝西告知是陳帝西實係傳言要犯經臣反覆開導詰其傳自何處得自何人據供實係張繼堯傳說臣恐狡飾仇誣當經刑訊該犯堅供必俟張繼堯到案對質著落除現在密提張繼堯并追取抄錄孔明碑文到日質審明確再行具

奏外所有訊取現犯供單先呈
御覽至奉查雍正五年五六月內經過衡州官犯誣卽密查是年五月二十二日兵部遞過人犯一名達

色六月初四日兵部遞過人犯一名蔡登科臣又
時實細查是年四月初七日兵部遞過人犯守名馬守
柱七月初十日兵部遞過人犯二名耿桑格六格
太監一名吳守義七月二十四日兵部遞過太監
一名霍成俱係發往廣西之犯臣當經密行知會
廣西撫臣金鉞在案理合一併奏請其詳
聞伏乞

皇上睿鑒謹
奏
爾地方上頑民有此等惡習漫無覺察致令他處發覺

特命部臣前來究審又不能將一類姦匪查出巡撫封
疆之謂何從京指名數犯交爾審究蓋恐姦徒聞風遠
颺故令爾就近設法鞫訊以得其實情今閱所奏但將
已經問出之供任其彼此推卸延捱時日究未知出自
誰口亦可謂才德兼全忠誠任事之巡撫矣此一干人
犯自然須解京審問如再究出他犯亦自然在爾地方
上但必將有名人犯一一交出方可

湖南巡撫臣王國棟謹

奏為欽奉

訓旨事雍正七年六月十七日准兵部火牌遞到內閣

大學士等寄字一封內開雍正七年五月二十日
皇上發下

硃批湖廣巡察御史王瓚奏摺二件奉

旨爾等可將王瓚奏摺及朕所批諭旨抄錄寄與王國棟看王瓚所奏皆湖廣地方之事朕以其不能體諒督撫之苦衷已嚴切申飭但思督撫等如果實心辦理事事妥協亦不至被人指摘條奏可寄信與王國棟有則改之無則加勉欽此遵

旨謹將

硃批奏摺抄錄寄來等因到臣臣跪讀之下仰荷

聖慈體諒復蒙皇上共旨入內旨一節仰謝天聖訓誠勉臣雖至愚亦有天良嗣後惟有殫心竭力更期詳審以無負

皇上有則改之無則加勉諄切期望之至意爲此繕摺

謹

奏

仍同前諭改勉與否則在汝自爲之也

湖南巡撫臣王國棟觀風整俗使臣李徽謹

奏爲奏

聞事竊臣李徽在衡州地方據衡協副將崔起潛密稟

聞事據把總王言稟稱梅田塘兵盤得浙江紹興府諸
暨縣民周楠言涉曾靜逆案隨經臣李徽密傳親
訊據供曾靜黨羽爲首有信通知曾靜實係在省
袁熾又稱門簿及往來書札可查等語臣李徽隨
差員飛至長沙知會臣王國棟經臣王國棟查明
袁熾係督催通省部務之人當卽密檄長沙府拏
獲收禁搜查該犯書籍字札封固貯庫臣李徽自
衡回省卽會同臣王國棟面委在城司道等取供
去後今據會訊周楠供稱小的因往洪江生理遇
望慈見曾靜地方上共有八九箇人內有一箇叫楊天

佩一個叫朱士元一個叫王友生其餘不知名姓
據他們說袁熾與曾靜有書信往來都是他起頭
的我們爲這箇奴才往雲南去避避再小的於閏
七月初三日從洪江來同一箇在綏寧縣作長隨
姓張的一船往長沙他說曾靜可比方孝孺又說
這箇事袁提塘膽大了些再雍正元年二月小的
在家聽得杜海在孟伯籲藥店裏毀謗

皇上有陳學松徐萬成周孟文連小的四個人聽得的
那杜海是袁州衛守備袁信的家僕都是諸暨人
等語訊據袁熾供稱並不認得曾靜若說傳遞音

信是何音信在何處與他的若有往來的字跡經過多少大人審過其書籍現在貯庫豈有不查出的理若與袁熾往來不軌曾靜還有不說的麼今周楠說聽見人說的又供說的人往雲南去了這明是虛話毫無憑據等語隨經密提周楠供出之綏寧縣長隨張姓據伊妻何氏到案供稱伊夫張鳳本年三月往綏寧當長隨閏七月初回家住不幾天往廣東去了等語錄供詳解前來復經臣等公同會鞫供情無異隨將搜查袁熾家中現在札簿書籍當堂細檢並無與曾靜往來確實字跡除

現在據供檄行永興縣確查該縣有無楊天佩朱士元王友生等曾否避往雲南并密行綏寧縣確查張鳳現在該縣充當長隨與否如已往廣東應再移咨查拘確訊外臣等備查周楠指首袁熾與逆賊往來雖係得之途人之口然事關重大未便以曾靜從前未經供及現在未有確據致有縱漏

相應據情會奏仰祈

詔訊會靜並不識袁熾其陳學松等姓名亦皆一人不
皇上敕諭部臣訊明曾靜曾與袁熾有無交結往來謀
識明係誣控可將周楠為何假捏情節究審明白袁熾
為不軌情事知會臣等以便遵行其周楠所供本
既係無辜即予釋放可也
籍杜海毀謗情由應否

敕下浙江督臣查拏確究合併附奏統候

睿裁謹

奏

此所奏是地方上凡如此等事皆當留心察究不可臆斷其無而或致疎忽縱漏也

湖南巡撫臣王國棟謹

奏爲奏

聞土苗聚衆撫諭解散地方寧謐事竊查湖南辰州府屬新設改流之永順地方原設同知一員專司撫綏彈壓前任郴州宜章縣知縣潘果係屬苗疆州

縣在宜邑任事二載地方安靜臣隨

題請補授永順同知該同知赴任時臣復再三訓飭

永順土司初經向化地方事宜逐漸整理方不驚擾隨據該同知稟稱土司舊用舍把頭目不下百數此輩向預民事凌制小民卑職始至大張條約禁革不許私擅行事務絕假借之端以免欺陵之累等情前來臣又當卽批飭漸次料理毋得驟事更張去後詎兩月以來聞得永順土民於本年四月十六日擁衆百餘及田王二崗亦聚集多苗在永順南門城外聚衆噪嚷四路守塞聲言潘同知

酷刑重耗差役下鄉苛索滋擾并捉拏衙役等情
臣思新附苗疆非內地可比雖所稱劣蹟虛實未
定而撫綏不善卽難辭責似此不職廳員斷難姑
容臣一面將該同知會疏

題叅一面飛檄辰沅靖道王柔辰州府知府袁承寵
持臣告示前往曉諭解散土衆委常德府通判劉
法祖署理同知事務又檄行布按二司將該同知
摘取印信押回內地確查劣蹟實情嚴拏擾民蠹
役及究處倡首土民確審定擬在案嗣據該道府
稟稱田王二崗土衆已遵奉約束漸次散去永順

舍把土民亦遵奉曉諭俱已解散具呈懇請銷案
等情到臣復飭行該道府悉心安輯再加曉諭毋
仍蹈前轍務期永遠寧謐至該同知所有劣蹟虛
實并土民聚衆起釁情由已檄行司道府詳加確
查統候奉

旨飭審一併定擬另行

題報臣謹將現在永順土民聚衆已經解散情形具
摺奏

聞又臣揀選未當惶懼實深業於疏內檢舉聽候部議
合併

奏明謹

奏

汝猶靦顏陳奏可謂無恥之極矣似此新闢苗疆要任所保題者乃潘果之流其他尋常之缺尚可問乎以汝此等督撫而令朕假以舉劾之責何從信任然亦無怪乎汝等朕簡用之督撫皆如王國棟等輩則督撫保題之員應皆如潘果等流也奈何奈何此皆朕乏識人之明源不清而望流之潔庸可得乎朕亦無顏降旨責汝矣惟自愧而已夫復何論

湖南巡撫臣王國棟謹

只奏爲永順地方遼濶委員分駐以資彈壓事竊查湖南新政流土司地方惟永順一隅最爲寬廣又田王二崗各苗更爲頑梗現在駐永止有同知一員管轄實屬鞭長莫及臣向於江西寨相近永順地方委乾州同知沈元曾分駐管理今沈元曾奉差往京查有原任醴陵縣知縣袁振緒諳練苗情因原辦攸縣丈量事竣回省臣卽檄委協理辰州同知駐紮劉江西寨同永順同知分管在案但查該員原係原報減則案內解任之員經臣查係無干

題請開復併請留楚補用部議准其開復應否留楚

見時其四家內補升之員聯引查於無干

欽定今因該員委勘攸縣田畝尚未給咨引員引引
見惟是永順地方係新闢苗疆非才裕守廉熟諳風土
之員不能勝任查袁振緒實屬廉幹之員可於苗
疆緊要缺內補用仰懇 皇上聖恩准其留楚彈壓地方併請於永順等處新設四縣

內酌量將該員 袁振緒 補用一員
題補一缺俟料理地方諸務就緒後再行給咨引田
見庶要地得人而臣亦得收臂指之效矣為此具摺奏

聞伏乞

皇上睿鑒批示遵行謹

奏

或又如潘果之流亦未可定既據奏稱為地方人材起
見姑照所請委曲懷疑而試用之已有旨諭部矣

湖南巡撫臣王國棟謹

奏為奏

聞事竊查湖南地方早稻收成分數據各屬具報通計

七八分不等長衡永寶辰郴靖各府均稱雨水調
似此不從吏治民情根究本源徒率司道齋戒祈求恐
勻中晚二禾俱發秀茂盛惟岳常兩府雨水欠缺

硃批諭旨

王

王國棟

未必有感應也

臣現在齋戒率同司道等官在

龍神廟祈求并檄行該府縣虔禱冀沛甘露目下米

價上米每石九錢七八分至一兩不等中米八錢

七八分至九錢不等理合一併奏

聞謹

奏

該省遇汝等一類督撫朕實不敢望雨暘時若也何則
不能移易吏治民風惟憑一己榮辱之私腸而欲上格
天心斷無是理幸獲收成一兩年亦屬

上蒼赦過之仁耳且楚地爲向來豐稔之省今直省連歲

俱獲成熟惟湖南非旱卽水如布蘭泰之巡撫在上曾
靜之小民在下則頻年大水之應何莫非

上蒼從輕降罰耶布蘭泰在湖南則被水患調江西則致
旱災汝等督撫之上干咎徵如此至明且速而猶不知
信懼亦可謂冥頑無識者矣然朕亦豈能辭其責但若
以雲貴河東浙江陝西等省而論則又不可概言過在
朕躬也亟當思維根本之治誠求

上天垂佑之道庶幾和氣下應地方獲福無窮矣再者聞
按察使郭朝祚一味柔善因循沽買名譽朕許兩司俱
得摺奏從未見伊將所聞所見據實上陳以盡臣子之

心惟以苟且塞責迎奉上司爲得計觀伊志趣似欲仍學伊父當日積年老練巧詐鑽營以爲一生安享子孫受用光景殊不知大謬矣其命伊學趙弘恩作爲若不肯悛改如醉醒夢覺洗滌肺腸恐一旦禍及身家將伊父從前欺詐負國婪贓不法處逐一發擿時莫謂朕不教而加之處分也諭伊深思朕拔擢之恩爲伊父幹蠱之道今此訓諭之旨並伊自身所立之志反覆揣量是非利害輕重大小而爲之可也明白向伊傳旨令其差人來京到大學士張廷玉處轉奏

湖南巡撫臣王國棟謹

聖恩高厚臣罪難辭仰懇

陛見面聆

聖訓事竊臣奏永順土衆解散一摺蒙

皇上硃批嚴飭切責臣跪讀之下恐懼戰慄無地自容

身任封疆似此緊要地方誤薦潘果撫綏不善潘果有難辭之責臣有莫追之罪伏念臣愚無知

識屢荷

此等差使稍知公廉自愛者皆能勝任今將巡撫專閫皇上特達之知一差陝西典試一差廣東典試一差河

南督學一差浙江觀風整俗使

硃批諭旨

夏

王國棟

陸辭之日俱蒙

皇上諄切訓誨開導指示臣俱敬謹鏤心不敢稍忘得免隕越全賴田文鏡李衛之力耳

免隕越今自浙莅楚將及二年辦理地方事務夙

夜祇懼如對汝限於才識令朕無法可施

君親奈才識淺薄責任重大而楚風刁悍逼近苗獠

皇上有忝職守以致上煩

聖慮臣寢食居處刻不自安緣臣在外日久弗獲親聆

皇上提撕警覺此心茅塞自難免於錯誤仰懇

聖慈准

賜陛見臣將楚南一切緊要案件次第趕辦於十月武

聞竣事之後暫以印務交布政使趙城護理臣兼

程入都瞻仰

聖顏將湖南吏治民風及各屬苗疆事理凡摺奏所不

能盡悉之情形得一一面陳

君父之前跪懇

皇上詳明誨導庶臣知所遵循勉盡厥職得以稍報

殊恩皆

皇上造就裁成之德也臣不勝戰慄惶恐之至謹

奏

所當訓諭者從未聞朕訓諭之人不知朕意所向之人

及全未經歷學習之人汝於未任觀風整俗使以前受朕面訓何啻至再至三如鄂爾泰以江蘇布政使擢授總督來京陛見如此重任亦不過留京四五日面見數次田文鏡從祭嶽回京卽命往山西察賑此後諸任再來面領朕訓李衛自雲南來時止留京三日此三人並非多聽朕諭深知朕之意向而能迎合之也豈有聞教而不能受教而不能遵遵教而不能行之人令其曠官離職往返道途諄諄頻加訓諭之理此奏更屬可笑爾切勿存虺事見面一言卽了之念若然則廷臣無一獲罪者矣何愚闇至於此極況朕凡事事不辭乎萬言

批諭總不能領會不能奉行不能振作鼓舞不能察吏化民而忽思及陛見面請訓諭實不解汝具何肺腑朕意與其令汝前來受朕誨導反不如將汝隸於田文鏡李衛之屬不隨二人學習數年或可助汝心力之不及也

湖南巡撫臣王國棟謹奏
奏爲奏明事竊查湖南地方長衡永寶辰郴靖七府州今歲雨水俱不欠缺秋成有望惟長沙府屬湘陰岳州府屬之巴陵臨湘華容澧州石門安鄉岳州衛

九谿衛永定衛常德府屬之武陵桃源龍陽共十
三州縣衛自六月初旬至七月中旬雨澤愆期禾
多枯槁紛紛詳報臣現委員分往確勘除不成災
州縣衛外果有實在成災者當先將被旱情形具
題一面催造分數冊結另報但恐今冬明春一時米

價騰貴小民卽至艱食臣仰體

任用汝輩無能督撫朕亦難言懷保烝黎之念也
皇上懷保烝黎之至意酌動常平倉穀及鹽商捐銀所

買穀石分別輕重賑恤平糶動用之後卽委員赴
長衡所屬有收州縣採買穀石運至本處其散賑
處所卽以司庫三分耗銀照數買補其平糶處所

卽以平糶價銀照數買補一轉移間而於地方民
生實有裨益再查現今十三州縣衛雖經報旱但
岳常二府今春二麥大熟日下米價未長臣爲將
來民食起見預爲籌畫謹具摺

奏明以便臨期料理伏祈

皇上睿鑒謹

奏

直省督撫中惟汝湖廣爲次故今歲天下豐收亦惟汝
湖廣被旱如人言自國十一平水如一歲通四

天道之感應可見分毫不爽休咎之徵如此捷若影響而

猶漠然不以爲意朕實不解朕命田文鏡兼督山東則
今歲東省收成人言自四十一年來爲第一歲此豈可
以虛詞捏造者乎況東省從來難遇豐收湖廣向來頻
逢大有設若命汝巡撫山東則朕至於不敢言矣覽所
奏有何可諭惟深嘉汝一轉移間之一句耳似汝移粟
平糶等舉不過剜肉醫瘡卽幸獲平復焦頭爛額之功
亦何足取耶總不知務本於一切事率皆先失機宜復
從而追維補救濟否尚在未悉又居然自以爲得此等
襟懷伎倆朕亦無如汝何矣

刑部侍郎臣王國棟謹

奏爲奏禁嚴下風並呈奸災依練此式嚴懲始期各
聞事竊照東省賑濟一案在於出京時跪請聖訓蒙
聖訓蒙

皇上念切民瘼災水災災只聞賑而無查實酌量辦
特命臣會同查賑大臣加意辦理務令災民均沾實惠
并查實奏

聞臣到濟南之日查賑侍郎臣劉於義牧可登已經回
省隨細加面詢據稱所賑之處俱係實在被災地
方貧民悉沾實惠確訪輿論亦俱符合現據各屬
報到賑銀州縣衛所共七十六處計銀六萬九千

七百餘兩賑穀州縣衛所共八十四處計穀一百二十餘萬石雖賑銀之數無多而散穀已經普遍是以領賑貧民此時俱各相安但尚有出外聞賑聞而歸並無藉刁猾之輩以及高阜居民見人領銀領穀因生覬覦紛紛向委員或地方官衙門求賑臣偶因公事出署亦有具呈求賑者臣已嚴飭各屬如確係被水災民間賑而歸者查實酌量補給以廣

皇仁其有本未被水挾官求賑之地方姦徒現在嚴拏奏究治禁遏刁風惟是被災州縣地方遼濶散賑各

官率多試用之員未諳賑務其中胥役鄉保串通生監舞弊重複冒領之處恐未全除有現經委員確查旋即刪減者臣復嚴飭布按兩司并五路監賑大員確實清釐仍一面密訪重懲如有玩視賑務之州縣立即指叅不敢姑容現在各州縣地方安堵並無哀號賣鬻情形此皆我

皇上蠲賑並施浩蕩

天恩之所及也所有東省賑恤緣由理合繕摺奏

聞謹

奏

盡心撫恤窮黎實力清釐諸弊

刑部侍郎臣王國棟吏部侍郎臣劉於義謹

奏爲奏明事竊照直省地方凡遇有災傷必須先報情形後再勘實分數造冊

題報此定例也今東省因撫臣岳濬

奏明俟查賑後一并核報在案臣等到任後卽檢查卷案傳詢布政使孫國璽據稱十月間曾詳報成災歷城等州縣衛所共八十七處經撫臣岳濬簽駁歷城等六十九處應准成災其淄川等十八處應分別被水輕重另行核報等因現轉行確查未

經詳覆臣等日事嚴催於十一月二十四日據布政使詳稱淄川縣等十八處移行道府確查僉稱實係成災已經一體賑恤並無混冒取具切實印結應請一并入冊等情前來臣等初莅東省未能深悉從前被水情形既據司道府州等取具印結詳送隨會商督臣田文鏡今督臣以先據司詳業查內有齊河諸城二縣應另行確查批司駁飭在案未便畫題并據布政使孫國璽申報督臣批駁情由前來伏思今督臣批飭與前撫臣簽駁皆以慎重災傷不憚詳審臣等何敢稍有草率除現飭

布政司再加確勘另詳俟到日會商督臣核明定議

題報外惟是報災定例甚嚴處分最重今公文往返需時歲內未能

題達事關重大現在另疏

題明合再將情由據實奏

聞謹

奏

所奏是理應查核確實詳慎爲之者

刑部侍郎臣王國棟吏部侍郎臣劉於義謹

奏爲奏明事竊照東省今歲漕糧蒙

皇上浩蕩洪恩

特頒諭旨山東被水稍重着將被水州縣之漕糧全行

蠲免業經撫臣岳濬欽遵出示曉諭通行在案但臣

等伏查東省被水之初申報災傷處所頗多歷經

撫臣岳濬飭查今督臣田文鏡現在批駁尚未覆

查確實其實在成災之州縣除地丁應准蠲免外

漕糧亦應全蠲若僅止被水猶未成災之州縣則

地丁不在應蠲之列似漕糧未宜獨邀蠲免今臣

等細加訪察秋間被水之時雖災傷勘有輕重而

所被水患皆同幸賴

皇上恩膏疊沛賑恤宏施斯民得以安堵現在時值寒冬若於目下催徵漕糧則小民困苦之餘亦覺輸納維艱茲當辦漕之際州縣紛紛具詳請示除一面仰體

皇仁已面諭司道暫緩催徵外伏查被災分數現在飭司查實另詳歲內未能核定若俟

題報之時再行附請尚需時日理合具摺奏明可否將被災未成災之州縣漕糧一體蠲免抑或緩至次年麥熟之後折色徵收皆係

皇上格外鴻慈出自

聖恩臣等未敢擅便伏祈

皇上睿鑒批示遵行謹

奏

覽奏已悉候另有諭旨

署理蘇州巡撫印務臣王國棟謹

奏為恭報秋成分數事竊查今歲江蘇等府屬地方

夏月雨水調勻入秋以來天氣晴明日下早禾已

節次登場晚稻亦漸及刈穫皆稱豐稔茲據蘇州

布政使白鍾山冊報蘇州松江鎮江江寧四府屬

收成俱有九分常州揚州二府屬八分淮安府屬七分太倉州屬七分通州屬八分等因前來臣覆核無異惟徐州及所屬四縣并徐州衛因七月間被水低窪田地蕎麥晚豆有傷其高阜仍屬有秋現在委員勘查先據稟詳已將情形照例會同署督臣尹繼善具疏

題報是否成災再行具

題其海邳二州距蘇稍遠尚未據報到收成分數合并陳明至各屬米麥等價現在俱平卽徐州地方據知州白潔稟稱雖低窪之地被水目今米價照

常亦無昂貴理合恭摺
奏報并另繕分數清冊敬呈

御覽謹

奏

似汝巧詐不實之奏朕殊不敢相信以爲然

署理蘇州巡撫印務臣王國棟謹

奏爲恭謝

天恩事竊臣於本年十月初八日接准部咨奉

上諭嚴切教訓仍令臣往浙江暫署巡撫印務等因欽此臣跪讀之下惶悚無地除另具疏

奏謝外伏念臣一介庸愚毫無知識屢受負

聖恩至優至渥盡極本年七月間復奉

命署理蘇州巡撫印務臣跪聆

聖訓感激之誠鑄心鏤骨惟刻刻以整飭吏治仰圖報

效為念是以甫入江南境內隨留心訪問各官賢

否即行奏

聞乃不細加詳慎於敘列現任各官優劣內并將舊員

入

奏此實臣智識短淺愚昧無知所致今蒙非愚昧也正所謂孽障深重耳

諭旨切責教訓愧悔莫追累及身家性命自有日也之罪戾實無可追復蒙

皇上格外洪恩仍令臣往浙等候俟督臣李衛起身之

後暫署浙江巡撫印務

聖恩高厚臣雖捐糜頂踵未足報稱惟有實力改悔恪

遵

聖諭務竭犬馬之誠以庶幾仰答此等語不啻奏過百遍朕實觀之厭矣

洪慈於萬一所有微臣感激

天恩理合恭摺奏

謝伏祈

睿鑒謹

奏

硃批諭旨

專

王國棟

覽

署理浙江巡撫印務臣王國棟謹

奏爲恭請

聖訓事竊臣荷蒙

洪恩暫署浙江巡撫印務視事半月以來於從前辦妥
事務不敢自逞臆見再有紛更其現在應行事宜
亦不敢稍有觀望因循推諉致有貽誤但兩浙地
方遼濶海疆重大遠處未能周知未便冒昧妄
奏且臣智識短淺辦事無能屢蒙

聖慈格外寬宥復奉

諭旨批飭教導敢不痛自刻責加意奮勉伏懇
皇上天恩訓誨指示臣得欽奉遵循庶於地方事務不
致舛錯感戴

隆恩無旣矣臣謹具摺恭

奏伏祈

皇上聖鑒訓示施行謹

奏

肯依率衛勸勉之言力行與否在汝自問耳朕有何可

訓誨處

署理浙江巡撫印務臣王國棟謹

硃批諭旨

真

王國棟

奏爲彙報雨雪米穀情形事竊照浙省上年冬初雨水稍多後漸晴霽晚禾皆得刈穫十二月初九日降有瑞雪經臣等會同具摺

奏報又於十二月十五十七暨本年正月初二初三初八等日俱得大雪據杭嘉等十一府屬各申報積地約有尺餘至八九寸不等立春之後旋即晴和日內又有小雨潤澤豆麥春花俱藉發生惟因上年交冬陰雨米穀價值有不甚平減之處將來或恐稍昂臣現會同署督臣李燦飭行布政司查備以明酌議量將倉穀平糶以廣民食至嘉興府屬七

縣及杭屬之海寧一縣間被蟲傷蒙我

皇上天恩將應完漕米減價折收民人踴躍歡呼且因折漕米穀留存民間更得流通接濟是以八邑米價現今亦無加增爲此具摺奏

聞伏乞

聖鑒謹

奏

王國棟之奏何足爲憑不過聊一過目耳

署理浙江巡撫印務臣王國棟謹

奏爲恭報微臣勘過海塘情形仰祈

睿鑒事竊照浙省海塘關繫地方民生緊要時厯

宸衷今臣於本年正月十六日乘未開印之前親往海

寧及海鹽平湖等縣各海塘地方逐一親勘查自

老鹽倉大石塘起至海寧縣城南門一帶從前係

聖鑒椿板塊石塘自雍正六七年至今間段改修大小

間共條石塘又自城南起至念里亭一帶從前係舊塊

石塘今連年改修大條石塘俱保固無虞其自念

里亭至尖山等處舊塊石塘歷有坍塌卸者均隨時

皇上搶修完固至海鹽三澗寨塘工最爲險要經督臣

李衛於圖之武寧一澗開辦盡財業非

題修舊塘八廿丈新塘四十丈又矮石塘百丈現

在各委員開工修築又鹽邑朱公亭寨等處附土

石塘一千三百餘丈現照原題酌量頂次衝險加

築石工平湖縣乍浦至獨山東舊石塘有數百丈

亦節次拆修惟因辦石頗艱先經委員在於湖屬

武康等處採石不敷今又飭於紹興府屬開採石

宕隨得隨運以副緊工除分令工員趁此春和潮

小澗修堅固并草土各塘草盤頭等工如有應修

整者俱於歲修案內隨時確核整理以資防禦外

合將微臣勘過海塘情形具摺奏

聞伏乞 皇上聖鑒謹
奏

海塘一應工務稍若懈怠遲悞及或妄立主見不循李
衛章程辦理致有疎虞必將汝正法示衆斷不姑貸然
海潮情形遷變不常權宜措置尤不可緩遇有應改移
處當星速咨詢李衛而行毋得任意更張

署理浙江總督臣李燦署理浙江巡撫臣王國棟
謹
奏爲請留賢員以裨地方事竊查紹興府知府顧濟

美於本年正月十九日在任報丁母憂業經照例

具

題并委紹興府同知潘銓署理在案今據署布政使
張元懷按察使劉章糧儲道朱倫瀚寧紹道孫詔
等會詳稱該府顧濟美年力富強辦事明敏自到
任至今料理事件從無舛誤實係賢員請留在任
守制等情前來臣等伏查紹興一府濱連山海爲
浙省繁劇之郡知府顧濟美勤慎練達民情相安
上年臣等奉

命赴浙於未經受事之前將應行事宜以及各屬賢否

命缺備詢督漕李衛曾經李衛言顧濟美居官勤慎於
紹郡相宜今據司道等會詳請留在任守制緣臣
等均係暫署印務未敢冒昧具
題又不敢壅於上

聞可否將顧濟美給假兩月令其回籍料理仍赴浙省
准留在任守制則駕輕就熟於地方實有裨益矣
謹繕摺具

奏伏乞

皇上睿鑒施行謹

奏美於本年五月十六日五十五時丁丑憂業辭職

照該署督撫所請行

署理浙江總督臣李燦署理浙江巡撫臣王國棟

謹

奏為奏明事竊照浙省因上年冬初雨水稍多晚禾
收穫之後米穀價值不能甚賤幸屢得瑞雪春花
漸見茂盛二月中連雨經旬不止直至二十五日
始晴臣等委員分往四鄉查看并據各屬稟報僉
稱於春花尚無妨礙但查米價未免稍昂臣等會
商檄行布政使張元懷酌議平糶照督臣李衛向
例於省城內外分設糶廠四所各委文武官二員

量撥倉穀照時減價平糶至於通省各屬亦皆據
詳平糶已飭令遵照每年存七糶三之例多設廠
所分委佐雜各員量爲減價出糶以廣民食其嘉
興府屬七縣上年偶被蟲傷內平湖海鹽二縣較
爲稍甚目下雖俱遵照定例飭將倉穀平糶恐將
來或有不敷臣等再加酌量變通陸續平糶如有
細戶小民無力插種者現在飭查量爲資助工本
之需務俾民食接濟不致缺乏臣等謹具摺

奏明伏祈

皇上睿鑒施行謹

天奏不吐歸責

覽奏知道了王國棟署理撫篆安望浙省地方雨暘時
若耶

署理浙江巡撫印務姬王國棟謹

奏爲恭謝

聖訓事雍正十年二月十八日接准督臣李衛寄信內
開雍正十年二月十一日奉

上諭杭州各官正月初十日拜牌時向例鋪氈三條署
總督李燦因王國棟退縮在二班地上行禮李燦卽
手提氈子轉身親遞與王國棟接取朝賀有關大典

三人甚屬失體孫國璽在傍不敢入班且聞李燦署
理總督印務以來諸事急遽無序舉動多有未協之
處王國棟軟弱游移可寄信回去著實嚴加申飭欽
此謹遵

旨寄信前來當凜遵

聖訓改革前錯警惕勉勵嗣後諸事俱宜按照輕重緩
急加意詳慎辦理毋致貽誤爲要等因到臣臣跪

讀

諭旨感激悚惶愧悔無地荷蒙
天恩不加譴責僅

命督臣李衛傳

旨申飭臣惟有敬凜遵奉益加警惕諸事詳慎辦理將
錯誤之處痛自勉勵悛改以期仰副

弘仁於萬一爲此繕摺恭謝

聖訓伏祈

皇上睿鑒謹

奏

勉勵悛改與否朕實難憑信

署理浙江總督臣李燦署理浙江巡撫臣王國棟
謹

硃批諭旨

王

王國棟

奏爲恭報海塘秋汛平穩及田禾情形仰祈
睿鑒事竊查浙省海塘關係地方民生最爲重大而潮
汛至秋更屬緊要本年七月十五六兩日適遇風
潮猛烈工程在在險迫臣等親率工員實力防護
已保平穩至八月十七八等日正值大汛潮頭較
七月望汛更大臣等預飭在工各員多備料物人
夫晝夜防守隨坍隨築又兼新築草塘日夕趨工
將次告竣得資捍禦幸保無虞今九月初汛已過
霜降以後將屆立冬潮汛自可平緩合將秋汛情
形繕摺奏

聞再查浙省各屬田禾被蟲先經臣等具摺

奏明茲據委員先後回省覆稱各屬業已淨盡消除
惟諸暨景寧海鹽平湖等數縣內有低窪之田被
傷稍重臣等已飭動備公銀兩酌量賑恤外再湖
屬之安吉州因七月十五六兩日大雨山水驟發
近山最低之田浸壞者約有一萬餘畝又烏程歸
安二縣暨嘉屬之桐鄉縣各稟報於本月初九日
有數鄉忽雨冰雹臣等查禾苗將屆成熟之時不
無損傷卽檄行布政司星飛委員確勘被傷處所
酌量辦理其寧郡被颶風之定鎮慈象等縣近海

田禾收成少減恐將來米價騰貴現在預爲籌畫
於產米之地買運接濟至此此外各屬禾稻情形據
各府縣申報中稻現在登場晚稻俱盛長結實時
近刈獲天氣晴明秋成不致歉薄合併奏

聞伏乞

皇上睿鑒施行謹

奏

王國棟署撫篆似此等災異乃

上天慈恩薄罰耳

山西各州府官各屬田禾收成歉薄災異等具



